

綿津山人詩集



利

10750

綿津山人詩集卷十七

商丘宋



漫堂草

送李孝菴太守之官遵義二首

隨牒天涯去邊烽乍息時山川夜郎國風物竹王
祠露冕春行好銜盃別恨滋諸侯看負弩夔道擁
旌旗

離席留殘雪驅車趁曉鶯少年為郡日遠道送君
情蒟醬憐行賈巴僮勸耜耕文翁遺範在早晚聽
休聲

綿津山人詩集

卷十七 漫堂草

題張青父清河書畫舫此書從竹垞檢討借
得

清河書畫得新編何異襄陽往日船冰雪當胸開
卷帙風流過眼錄雲煙抄從太史由來秘副在名
山自可傳舊譜宣和余有續輸君先結古人緣

輯翰墨
綠一書

過河曲精舍同悔人分賦二首

長河環古堞別浦映疎林策杖迴隄去聞鐘初地
深杉爐燒鴨脚菜几玩來禽不淺滄洲趣聞房起
越吟

春淺冰花結寒光滿竹扉一僧開迳老千嶂隔林
微種菜宜煙渚撈蝦羨草衣他時芟梁上好把碧
筒揮

盤山拙公以野蔬見寄次韻答之

蔬名杏葉
豆葉豆葉

惟盤山與
匡廬有之

柔條纖葉碧叅黃春澗幽姿泣露光小摘雲林扶
短杖遠馳瑶草侑盈筐種疑上苑花時見蒞憶廬
山雨夜嘗榆肉楮鷄誰得似殷勤眞費道人糧

附掇野蔬寄牧仲觀察

盤山
智朴 拙菴

綿津山人詩集

卷七

漫堂草

二

冉冉輕煙閃閃黃飯餘嶺上弄春光豆苗競茁
紅侵步杏葉才開綠滿筐偶摘最憐人不見小
鮮偏喜我初嘗非君古道誰堪寄只許山家作
道糧

春日憶淶波村用至兒韻

幾載春風憶敝廬粘天雲水望來虛何時放鴨亭
邊去紅藕花中罩白魚

春日書懷用竹垞檢討柳巷杏花歌韻

昔我遊雙江匡廬九疊往復經扁舟泛彭蠡如鳥
張修翎忽忽回頭已七載孤篷還憶泊落星竭來

客通潞杖不扶郊坳簿書攪晨夕安得愁懷醒春
光九十隨手過如鞞毳萼嗟飄零婪尾行欲放送
花想園丁漫堂天陰對圖畫尺幅徒愛遙山青墻
隅疎柳手所種稊生金線紛婷婷參差石竹侵檻
碧灌漑時自攜銅鉞朝來鄉心不可按側身南望
放鴨亭荷錢鋪水葦抽笋雙漿正好尋清冷冶遊
豈必羨吳會竹輿嘔啞闌支硎江湖篔簹故無恙
一聲漁笛何時聽寄書兒曹課種竹繞屋他日看
矜彘南榮鐻白亦良苦觀河吾自憎吾形隔城廻
帆聞搥鼓輕煙一抹連沙汀閉門科頭恣吟嘯氤
氲香篆留窗櫺盤空硬句寫胸臆吏人欲進仍須
停黃昏微颺響林末楊花如雪吹冥冥

附

原倡

同嚴藕漁
錢庸亭作

朱彝尊

綿津山人詩集

卷十七

漫堂草

三

頻年住 帝里一山一水何曾經有若蝸負殼
又若鳥剪翎疾風揚沙卷花去眼看春事如流
星邇來罷官居肆意尋郊坳朝從潞河還犯卯
酒未醒晨過漫
堂留飲雙橋東偏柳巷北小寒食後微
雨零偕行者二子各各駐輿丁杏梢含苞猶未
白柳條踈地今漸青晴絲冉冉香細細單枝孃
孃高婷婷村童灌畦愛看客輓轆井架雙銅鉞

種花此地已難得，那不更縛香茅亭。江鄉爾時
春益好，西神山。下泉冷，冷闔門遊人連臂出筠
車。十里闔支，剛即如南湖。亦不惡，桑鳩穀犬聲
可聽。穀犬蛙也紫荷花草雜坐，卧燕來竹笋生。矜
人人生還家貧亦足，何苦晨夕勞其形。吾儕田廬
况不遠，峭帆柔櫓凌回汀。都籃兼攜茶酒具，悶
拓小眼紅窗櫺。吳飲越吟相繼和，五日十日恣
留停。念此今人反惆悵，夕陽四顧塵冥冥。

題商惟吉江山積雪小幅用松陵集寒夜聯

句韻

惟吉名喜明宣宗朝錦衣衛指揮常代御筆

綿津山人詩集

卷十七

漫堂草

四

披圖忽江天，城闔當山缺。磯危勢龍從，波冷色澄
徹。彷彿九派游，淒其三冬節。風物暮景殊，觸迂冲
襟切。營丘貌寒林，摩詰工積雪。共爾天機精，邈然
人踪滅。破窗虛白添，素練靉靄結。踽踽僧作蟻，莽
莽洲如玖。愁深對宜醒，蹟妙心自折。御床曾捉刀
畫苑位，高設

賦得老樹空庭得

望去槎枒自作林，輪囷偏耐雪。霜侵階漫挺，干
雲勢斜日常留。滿院陰幹點莓苔，宜聳鶴響傳竿
籟。應彈琴幾番鎖印徘徊處，聊渴空山一片心。

過樓桑村謁漢昭烈廟

弓遺白帝志難償
正統千秋自蜀疆
古廟巋然當獨鹿
新枝沃若發樓桑
雲旂羽箭關張侍
乳燕鳴鳩禁籞荒
讀罷迎神碑上曲
梓花開落又斜陽

郵亭

苦甚郵亭面壁時
往來輿隸盡題詩
今朝一語堪收拾
村尾濃陰綠樹披

夏日過礦山寺

松蔭接廻岡禪關
隱夕陽杖尋樵子
路衣解贊公房雲
窸當窗邃山泉貯鉢
涼自憐同倦馬暫得謝

綿津山人詩集

卷十七 漫堂草

五

羈韉

康熙乙丑五月

駕幸古北口避暑臣犛以通永僉事奉檄修治橋

梁途次恭紀

鑿輿避暑塞垣行
谷鳥巖花喜氣生
一路奇峰蓮萼聳
千廻流水縠紋明
粗成徇略寬民力
屢駐蓬茅悅

聖情臣職觀風當
擁篲忽來靈雨麴
塵清

石盆峪龍潭歌用歐陽公晉祠韻

石匣鎮南十里間
石盆之峪流潺潺
我來策馬亂

石路兩峰合處窮其源微颺披拂瀑花落玉潭如
鏡籠山煙岸傍遺廟有短碣南塘題句幾百年
謂戚大將軍僧言神物此窟宅恒從萬丈驚盤旋少陵
小虵詫爲雨靈異今又聞塞垣坡陀跌坐面澄澈
囂塵自訝凋朱顏時方苦旱向龍禱願一欠伸滋
枯田輕綃瞥見曳潭底雲雷恍惚騰廻川擬歌迎
神送神曲歲時伏臘被管絃言歸驛路轂相擊那
得耳聽噴薄泉黃昏野店聊竚立風林織月方娟
娟

夏日雨中重過河曲精舍四首

綿津山人詩集

卷十七 漫堂草

六

微雨泛輕船城隅一水遙新荷侵壞道破網掛危
橋精舍花香入空林暑氣消茶瓜風味別齊已坐
相邀

瓢笠追隨數菽蘆偃卧清雲威低柳徑燕語會松
棚酒許當牆過詩難擊鉢成淹留淳朴處真悒侶
鷗情

雨急亂波光城闌入渺茫最憐鷗鷺喜倍覺芰荷
香豆莢分僧鉢菱歌度講堂緯蕭無限好惆悵水

雲鄉

余家淶波村
有緯蕭草堂

纂纂沿墻棗垂垂滿架瓜僧閒勤種植村小護雲

沙舊雨掀髯失

憶悔人

新愁對酒加衝泥歸路晚任

笑接羅斜

寄悔人

河曲重遊暮雨時都亭雲樹倍相思掀髯大似綠坡竹古寺青燈獨咏詩

李卓吾墓

卓吾墳枕潞河濱御史交情不可泯火後老楊枯
芨發風前荒迳斷碑躡放言高論全無藉禿頂方
袍自有真嘆息虞山非浪許異人端合屬斯人

雪園五哀詩

有序

綿津山人詩集

卷十七

漫堂草

七

往余鄉有雪園社即江南之復社也改革後
先輩凋喪余從侯子朝宗賈子靜子三徐子
恭士邇黃來玉復修爲六子社詳朝宗所作
社序今五子先後俱歸泉壤而余以薄宦日
益潦倒慨想故人潸然出涕爰爲雪園五哀
詩以代招魂之賦云爾

侯朝宗

朝宗天人姿才大不可囿文起八代衰所遇屢顛
覆當其弱冠日英名振華胄兩世東林魁謂太常
司徒司
公成三聞見亦良富落筆五嶽搖十手寫難副徐吳

盡儒宗

徐霖蒼吳讓伯延仲

哲兄亦耆舊

長華赤社

壇坵與周旋

不及君馳驟

江南復社興陳夏維領袖應社起靈

園

雪園社亦號應社

遙託芝蘭臭君似孔文舉高義傾宇

宙無何丁喪亂江表避羣寇奇策棄汴京懷抱莫

能售抵掌公卿間如御震百獸金陵飛尺書跋扈

爲之逗清流遭側目禍自皖城構艱難嘆備嘗播

遷匿岩岫歸來志未頽藻思日益茂慷慨慕魏武

霸氣得天授橫舉襟期同兼有陳思秀中原已冠

軍麟鳳網還漏鬼物若擲揄功名苦不就鄉曲諸

小兒那解洪鐘扣壯悔額其堂理學將深究嗟哉

綿津山人詩集

卷十七

漫堂草

八

中道摧身死文則壽遺編炳日星遠近餅金購邯鄲學步多靡不君俎豆余荷獎藉殷文字煩糾繆何異爨下桐適與中郎邁六子結同聲雅歌快迭奏生平知己感淚漬衣裳透萑苳三十年寸衷自銘鏤挽詩久不成念之心恆疚三復贈我書平原買絲繡

賈靜子

世亂奇士生調高衆人訝賈生不羈才名豈長沙
亞年少賦雪園文彩凌鮑謝灑落萬斛泉珊瑚爲
筆架講院聚羣英君實冠同舍

太守鄭公三俊重修范文正公書院

招諸名士讀書其中君每試必冠軍廿載落魄餘奎宿恒遭罵上書

請修史言大而非詐時危任轉蓬南渡傳聲價雄

藩開幕府書記特相藉雙刀展兒嬉時有雙刀當賈生之目當

筵或舞蔗壯志竟摧殘驂駟不一駕疎狂類正平

幸未死江夏歲晚返舊丘渦河親耕稼究心二氏

中草衣還布帕欵寄笑侯嬴作書屢彈射風期自

翛然肯寄人籬下君本余父交藝苑欣邀迓小友

辱忘形曹鄴附五霸遡園君別業數追陪倡和無少

暇策略用世心清言佐杯竿君有策略清言諸書進道迨耄

年故態一朝卸信乎侯生云羊質善變化易簣曾

綿津山人詩集

卷十七 漫堂草

九

目覩從容謝驚怕如此于雲姿寧教腐鼠嚇所嗟
似續無上塚誰觴炙感舊起悲吟臨風淚傾瀉

徐恭士

恭士恭而傲矯矯雲間鶴斯人忽九原書來心驚
愕痛哭念平生音塵恍如昨精悍眉宇留骨相何
磊落難兄曰霖蒼聲名等李郭之子稍後起旗鼓
相叅錯文筆追臨川構思必精鑿書法鍾張流人
號古釵脚作詩屢易稿清新吐糟粕早篤二吳交
晚踐六子約朝宗推畏友篇什勞刪削一字數推
敲諫官謝謬維酒雅無量雄談侑康爵立身迥

巉巖對客展戲謔吾徒科名艱獨君薦一鶚世稱
真孝廉自顧亦不忤遊梁計與陳甫草其年地主皆君
託歸然魯靈光峻望比盧霍老借余季遊余弟介子共
耽林泉樂人事莽推遷一旦舟移罄余失聯床歡
君有掛劍作懷友疾莫瘳平臺頓埋玉叶老成盡
凋傷風騷嘆寂寞天涯賦大招屋梁月華白叶

徐邇黃

高士推南州邇黃其苗裔絃誦甕牖中行潔色頗
厲惟操三寸管清芬播蘭蕙弱齡爲諸生揣摩工
應制遠攀陳羅旗近接劉張袂干之伊人顧盼取卿相

綿潭山人詩集

卷十七

漫堂草

十

歎猷將策勵賦命何軼軻終身艱一第吾黨得應
求鶴洲共談藝晚好性命言濂洛託深契教授聚
生徒白板門恒閉窮年手抄書字如蟻蝨細埋頭
向簡編髯落氣彌銳執鞭蘇門翁謂孫微君高踪信堪
繼方幸文獻留哲人倏棄世遺編伯倫搜山同學
中丞涕潛傳經賴侯芭謂田梁紫我蒼詎云替君有我
遠道未撫棺幾載悲思繫秋風忽愴懷寥天聞鶴
唳

徐來玉

雪園諸君子高曠慕晉人侯賈千載士恒遭鄉里

嗔懿哉來玉氏儒雅殊彬彬胸中少鱗甲選言務
去陳豐頤表微髭貌朴情彌真揖讓有恒度邂逅
嘆飲醇惟從良讌會論文昂其脣恭士愛小阮相
對如嘉賓君時已白首左右奉幅巾六逸皆澹蕩
與結煙霞鄰隨牒官上蔡鄭虔乃等倫一羶卧未
穩還歸南湖濱長嘯尋舊好吾自安吾貧首丘願
良遂鵬鳥來承塵無兒感伯道著作空千春雍門
有深慟况此金玉身何日磨鏡去孤墳披荆榛作
詩效八哀淚灑通潞津

新秋雨後悔人書來將偕諸公爲河曲精舍

綿津山人詩集

卷十七 漫堂草

十一

之遊賦此奉遲用兒至七夕後一日同悔人

京邸小飲以立秋日爲韻三首

一雨驅炎烝門館涼颼入烏几發鑑光鳳唳翻墨
汁懷人時悵而起向寥天立惟髯洵絕倫何日手
同執慶豐牖流飛淙潺幽響急留取官焙香澄碧
同君汲曰余總勞勞猶堪馬鞭揖

連宵有歸夢西村歌飯牛曉來坐茅宇高槐影修
修雲物蕭以澹冲襟宜新秋故人在芳訊將訂河
曲遊苴梁足野趣雙林風颼願從梵唄罷摘藻
偕英流瓶鉢借老衲還買鴨嘴舟

愛尋荒寂區自笑林丘質偃仰千載心惜此半簷
日洩洩父子閒矢口談聲律蓮社有勝招矯首忘
盥櫛夙耽文酒歡如啖仲殊蜜間房留妙香想像
開書帙籬落綴豆花斜日鳴蟋蟀

秋日戲爲疊韻

廊旁蒼筤香石隙碧柏圻陰森歌吟心客憤亦易
釋

題王暈畫

疎林開逕曲遠岫帶村孤粉本余曾見浮嵐暖翠
圖

綿津山人詩集

卷十七 漫堂草

題董文敏仙巖圖

獅子林推倪迂叟青弁圖誇王叔明文敏仙巖禿
筆畫何妨異代聯鑣行

衙齋絕無蟋蟀命小童覓而放之籬下蹶然
有作

庭樹蕭條逕草豐如何秋至少鳴蟲古人觀蟻空
堦上今我添蛩小院中似訴似啼當社日在床在
戶念幽風放衙自笑真無賴分取秋聲到菊叢

送送曹實菴之官新安十首

舍人佐郡去江鄉山水登臨志許償薄宦蹉跎成

白首曹唐端不異馮唐

健筆如君鼎可扛一麾南國咏澄江秋風驛路青衫去好看參天石筍缸

文章宿老困西清曲巷柴門歲月更多少故人留史局獨驅羸馬出承明

寫意開心十四年都亭咫尺悵風煙相思更倚南雲望白嶽黃山落日邊

當年十子重京華舊雨晨星幾嘆嗟勝事祇今忘不得寒宵聯句鼓三撾

鬪茶祭墨元同癖却喜夫君愜素懷他時相憶如

緡津山人詩集

卷十七 漫堂草

三

相寄玄璧龍圍色色佳

砂泉香潔自淙淙浴罷還尋萬仞峰千歲老猿何處覓月明多掛擾龍松

陳蕃兵後守新安

謂陳憲之

勸撫哀鴻莫破顏今日贈

言仍此志誰云司馬是閒官雙江奉使君懷我歎浦之官我送君何時會合還

題句醉墨從教寫練裙

想像河橋酒幔青離歌低唱耐人聽前途一事堪怡悅南海新篇索阮亭

時王阮亭少詹自南海返命

秋日過南溪寺恭步先文康原韻

先人開府地重此課桑麻野寺疎鐘在長河落照
斜巡簷容和句灑淚罷呼茶依舊門前柳西風繫
釣艫

題王黃湄都諫過嶺集即用集中惶恐灘寄

悔人韻

黃門千載人詩骨太華聳獨操三寸管藝苑闢荒
茸銜命嶺嶠遊雙江接余踵鷓鴣增旅懷况復
聞秋菴贛石虎牙撐偏鬪驚湍涌三板泊危灘即
境堪惶恐羨君賦停雲岸幘旌麾擁奇思鉢腎肝
刻畫松毛毳陰巖松毛縱橫其誰敵所向鐘坡壠

綿津山人詩集

卷十七 漫堂草

古

牛腰傳卷軸心折手還拱周旋愧苕邾願以敦盤
奉雲霄鷗鴉姿斯事乃餘勇

宋刻絲蟠菴圖聯句同兒

短鎌結奇繪有蕢羨嘉果仲牧纂組渾端倪點染謝

婀娜至藉機杼寫生堪禋祀伴菰青絲用引枝縹

色妙烘顆仲牧獨樹迴扶疎連蒂恐傾墮至幹橫待

胎禽葉蝕疑螺贏仲牧頰榴或等觀玉李未足駭至

海嶠貌來遙斗室懸處頗仲牧硯礪實一雙掩映雲

五朶至鳳梭意良工鮫織筆非左仲牧在藝得神明

涉想極么麼至肖形儼吮粉申咏窮炙輠仲牧細玩

倍咄咄鷦見信可至憎俗錦段拋畏偷房櫳鎖

仲牧鵝溪遜爛熳顧繡笑纖瑣經營實云勞位置亦

殊安至王母授恒珍徐熙技難播涎從摩抄流摘

欲襟袖裏仲牧宋代製何人潞沙寶維我至精光騰

卷軸壓倒米家舸仲牧

重過遵化練泉恭步先文康韻有序

遵化城東北隅有泉澄澈流周於隍舊名

烏龍先文康開府畿東時易名曰練暇日

築亭種樹與賓客泛舟遊宴其間曾有泉

上作後入相諸將士置酒餞別公復留斷

綿津山人詩集

卷十七 漫堂草

五

向一首刻石置泉上時爲順治二年學方

稚齡今康熙二十二年學奉命觀察通

永明年二月按部過遵尋訪舊跡而泉以

地震涸久矣因次斷句韻有方塘無復舊

泉音之句又明年復過其地泉忽湧出頓

還舊觀邦人士亦驚喜共事修葺學留連

久之爰次泉上作原韻勒諸貞珉以誌今

昔之感

先人漁陽擁節旄我今重來駐畿甸山城訪舊空

亭留不見清泉照人面古隍庚庚龜兆橫千畝安

能灌卮茜獨倚怪石弔斜陽忍對長松自葱蒨今
年一事出意外壤鬻依然明匹練迴溪齷齪得舊
觀幽響臨風傳別院縛橋設檻走士人輿隸驚看
亦云便昔如黃犢今霜髭插脚誰知此開宴何哉
歌發感客心况復林端山鷓鴣載尋遠洞剪煙蘿
苔蘚封門青一片顧瞻先澤矢淵冰求莫敢言黔
首賤摩挲斷碑景遺編口沫手胝咏百遍回首霜
月到方塘依稀諸將當年錢

寄楞嚴經與拙公

小卷楞嚴寶座隅看來宋槧未應殊微文大義無

綿津山人詩集

卷十七 漫堂草

須問寄與山僧覆醬瓿

綿津山人詩集卷十七終

綿津山人詩集卷十八

商丘宋 犖牧仲

漫堂草

雨中漫堂聯句

同何次德
陳次山

薄宦念索居苦早憂正切客驚二妙來霖降三伏

節雷殷驅鬱烝颺散動騷屑牧仲商舞日色沉礎潤

土脉泄次山黑入太陰垂光閃銀海澈衛公一何莽

錢唐信作孽澎湃河勢傾照耀電影掣次德賦草愁

漫摘亭名喜任竊別院飛潺湲急響傳駟鐵牧仲閣

鈴亂匊旬庭麥漂漱冽燕翻失呢喃鶴聳羨孤潔

綿津山人詩集

卷十八 漫堂草

次山誰移匡山瀑懸向官舍枕生憎溢堦除將毋煩

榜榭次德石洗苔露錢漲發洲隱玳灩鯽竚大上潞

沙畏突決床遷豐溜隨步舉洪濤截牧仲披襟彌清

涼卷幔謝炎熱次山幸停吳牛喘宜取漢書閱牧仲蝸

廬紛縱橫蛙鼓獨怡悅次德荷葉倒半池榴英墜干

結牧仲檐柯俯而恭檻草偃莫茁次德俗韻清淙淙幽

興爭滴滴氣侵香篆搖波晃觥心凸牧仲娟淨明葛

衣蕭爽透簟篾次山坐起嗟滂沱轉盼屆寥泚豐凶

變俄頃天地用奇譎牧仲汎濫成巨浸奮鍤開水埒

只合把釣緝還須躡輕橈垣頽戶難扃薪濕煙不

蕪次泥融拔蜀黍風微鳴蜻蛚次山蝶綵黏簾旌蟻

陣遁槐穴酒瓢憶空山破窗記老鐵楊鐵崖有破窗風雨記

感宋玉秋懷奪阮瑀吟訣仲茫茫隔林巒活活泥

車轍次尺同濠梁曠望渺勃碣陂塘下間鷗脾

睨挂殘蛻次雲威互凌競星芒乍明滅次德戍漏聽

已罷筵燭跋亦迭既醉霽景臨申旦高唱闌城南

追勝遊絕塵共奔軼仲

何次德見過漫堂感賦

厨俊英游幸拍肩侯羸鞭弭共周旋緇衣需次仍

遺老白首重逢話往年柳暗隋隄花是雪月明遂

綿津山人詩集 卷十八 漫堂草 二

步酒如泉雲煙過眼嗟三紀疎雨青燈一惘然曩次

德遊梁主侯朝宗家余同雪園諸子賦詩送之後

遇於金陵與周櫟園表籜菴諸公燕集秦淮丁繼

之水閣今屈指三十餘年矣

秋日寄顧梁汾舍人次韓元少閣學韻

剪燭論文夙共之執鞭邾莒敢云辭風流薇省傳

高躅補葺筠鑪有近詩開閣殷勤千古在輟絃懷

抱九京知潞沙秋月相思甚便酒無從進一卮惠山

竹茶鑪明初高僧性海製王舍人孟端爲之圖李

文正邵文莊諸公題咏甚多鑪久壞今爲梁汾重

修有倡和詩第六句謂成侍中也

題周鼎高秋翫月圖

高臺何突兀環以青梧桐遙天湧圓月煙景開朦朧
片雲掃無迹庶免滓太空誰其快登眺提攜兩
詩翁琴樽亦不設倚檻惟孤童顧此三尺練颯颯
生秋風古來貌夜山妙手推克恭卓哉秣陵叟走
筆追前蹤衙齋掛晴晝清輝照簾櫳掉頭拋俗韻
置身丘壑中幽人不我棄霞外偕支筇

秋日同蔣京少重遊河曲精舍用月泉吟社
韻即送京少還江南

幾度溪頭看藕花芟梁微雨坐浮瓜重遊忽聽潞
沙雁初地同傾陽羨茶案展晴嵐消放梵

時觀石田畫卷

綿津山人詩集

卷十八 漫堂草

三

籬侵淥水罷停車風前一曲送歸客悵悵煙江颯
影斜

晚坐漫堂留京少小飲仍用前韻

漫堂三見放蘋花隨手年光已及瓜薄宦真同秋
社燕奧香聊試武夸茶

武夸山小九曲有奧香茶聯吟莎柵堪

扛鼎送客蒲颿可當車漚酒一杯君且住高槐突
兀月敲斜

鷄泉校射歌八首上大中丞于公兼呈朱徽

蔭胡存人李梅崖三同官

旌旆悠悠映碧空秋原校射快從公手柔弓燥雍

容甚不少襄陽太傅風
鷄距清泉遠郭斜琮潺幽響雨餘如今朝小隊經
行處應號迴溪作浣花
桓桓使相坐平臯破的風前寄興豪夾道千人瞻
畫戟我公丰采太行高
褰衣徇略喚漁舟容與微波得勝遊鏡吹欲傳還
小住蒹葭深處有眠鷗
如笠孤亭俯澗光擬添欄檻種垂楊甘苦自來同
將士當筵斟酌散魚湯

斜日淹留暢酒懷銜盃射覆任詼諧城南醉尉天

綿津山人詩集

卷十八 漫堂草

四

機到上壽殷勤亦復佳

雲霄攀附誇今日僚寀追陪况素心何人獨擅登
高賦舊賜宮袍李翰林

馬鳴風動角頻吹忽憶甘泉羽獵時薄宦無須嗟
濩落雕鐫今已遇工倕

上谷謁楊椒山先生祠次魏司寇環溪先生
李僉事梅崖壁間韻

椒山峻與太行同謇諤居然折檻風曲突豈惟彈
馬市傷心終使媿龍逢清霜氣結臨刑向赤日光
留未了忠魂魄自來思故里渚蘋殷薦廢祠中

歷盡艱危誦遠方還將一死震巖廊批鱗目已無
丞相列俎人爭拜奉常夢裏笙鏞元有志街頭枷
鎖任飄香靈風蕭颯鬚如戟庭舞神鴉老檜蒼

讀康對山武功志題卷尾二絕句

絕代風流康對山琵琶一擲老秦關千秋邑乘留
殘帙簡潔居然並馬班

有羨風物七篇中騷筆由來撰述工太息斯人甘
廢棄交情端祇篤崆峒

為陳藹公題傅青主徵君村居圖次青主原

韻

綿津山人詩集

卷十

漫堂草

五

水石明素練觸迂江湖心高士寫平遠妙蹟追雲
林村居寄寥廓一半煙靄沉榻來斗室內忽覲郎
山岑幽人時危坐耳畔流清音藹公家上
谷近郎山

冬夜漫堂文宴同王令貽用章八元新安江

行韻

舫齋依老樹有客共維梢笊簪懷漁具蒲團愧鳥
巢壁懸石溪道人鳥巢圖杯深孤月晃屏曲凍梅交一段婆

娑興將無候吏嘲

附奉和前韻

青浦王

原今貽

曲窗藏潞渚泛宅此維梢白墮釀三斛青緗栖

一巢霜凋帘燭瘦月盡盡花交不淺登樓興清
狂任客嘲

大學石鼓歌用蘇子瞻原韻和王令貽張弘
遽

我髮未燥心好奇周宣獵碣詢遺叟執經曾爲國
子生屢肅衣冠戟門走嶙峋驚覩石鼓文欲讀牴
牾難上口累朝致突窘鉅公矧我生當千載後樸
質輪囷列仍千古蹟剝蝕載維九臨池學書眇蟣
蝨筋骨徒教誇顏柳嗒然對此喪所懷昂首高天
爛箕斗我車我馬辨不易畫肚移時動右肘續紛

綿津山人詩集

卷六

漫堂草

六

光景浮雲歛隸楷俗書掃稂莠強尋邊旁鬱深衷
乍測奧義呼良友卧度卯酉推索艱如趙武靈探
穀穀憶昔中興菟岐陽紀績銘功勒蚪蚪歌辭烜
赫躋雅頌從臣撰述定耆考或云嬴氏或宇文異
議相沿誰所咳天留重器登成均壓倒犧樽與鬯
卣趨踰上舍勤俊髦想像歌工煩矇眊金石刻畫
蛟鼉盤聖作巋然並岫嶮竭來摩挲儼落星元氣
淋漓薜花厚昌黎子瞻遞咏嘆音訓豐碑表某某
蹉跎三紀緬神物光怪羅胸詫希有厭親簿領謝
文翰忍見庭除設械柎拓本寓目心一洗斯邈以

還等瓦狗陳倉淪棄鳳翔遷日炙火燒存亦偶流
傳奕禩位置妥蹲鳴排比齊其首白窠曾憐任春
揄牧豎幾遭來擊掬縱經鄭重金玉鍔播蕩戈鋌
旋剔取嗟哉顯晦固有時至寶終難辱埃垢出之
泥草獻清廟祭酒先生昭世守江左兩生韓蘇才
鞭撻風騷若拉朽石鼓之歌欲和難應附此石千
萬壽

附原倡

原

我謁太學歲丙寅九秋旣雨天氣新廟貌肅穆
迴絕塵右平左城通堂陳戟門森立高嶙峋內

綿津山人詩集

卷十八 漫堂草

七

塾十鼓碁布勻周宣垂今二千春三代法物希
世珍文謨武烈隆復振烝民韓奕學士呻方叔
召虎儕鳳麟尹氏仍氏詞絕倫大小二正存其
醇大蒐岐陽韎韐親廼命譔列示無垠編詩不
入昧所因翻幸虐馘逃暴秦陳倉滅沒同泗淪
李唐獲九竒不純其一剗中投杵頻皇祐得之
田野民呵護浩劫宜鬼神鍔之黃金錯白銀金
源剔取馳北輪宣撫宅廢埋營榛虞公請置功
可泯竭來摩挲餘百巡史籀不作難考詢手畫
生牋吟燥脣心重古器詞罔伸斑斑駁駁星向

晨三百廿五龍蛻鱗九未全蝕二一平耳目荒
忽雲雷屯鳥跡蝌蚪辨莫真蛟螭鸞耆勢未馴
韓蘇鉅公生不辰強尋難讀淚墮巾矧當愚蒙
識如燐邈從天漢窺滙津麋鹿速速驂馳駢維
鱣維鯉以柳緡約略大義車攻鄰難以意解取
笑嗔我聞彘鼎銘至仁武功勒銘則鼓鐔合江
鐘石紀禹種厥制寂古聖所循之罟詛楚焉與
鈞麗牲沿俗羞彬彬崇尺有咫徑度遂銳上廣
下妥帖蹲白仰虛受鼓覆均圍圓質厚膚理皴
緬懷上世風何淳封山禪亭空積薪大書特書
磨貞珉高陵陸陔遂谷堙其蹟盡逐雲煙湮惟
聖有作無緇磷縱亡其器辭在紳授受箋釋窮
白申况傳此鼓士響臻絕勝熹平觀經人恍與
揚觶揖讓賓幾忘眇末蟣蝨臣生逢敢冀充介
俎潛然後百六紀身

原倡追和子瞻韻

吳江張尚瑗弘蘧

嗚呼古來神物顯晦不可常軼事難從訊遺叟
掩抑千年忽昭揭蛟龍撝護五丁走魯宮魏冢
竹素書祇今一一誦人口煙銷煤燼行復著何
疑獵碣初唐後爾日陳倉披草看十二其一唯

存九剡刮主花拭苔繡琅琅炳若天星柳遂令
流傳徧好事周廟鐸于甄墓斗韓公蘇公詩繼
作淋漓大筆字運肘聚觀日多口日衆瘡痂彈
射爭好莠由來名盛百毀生疑信喧騰供惡友
此鼓自唐流至今子復生孫雛哺穀立乎定哀
指隱桓零編斷字皆蝌蚪就今餘慶僞手造已
堪閱世稱耆考何況字文與嬴政羣言标吽一
夫咳 聖朝崇儒興禮樂峩峩泮壁新豈卣虎
觀還聞聚學徒鹿鳴曾說歌矇矇十碣依然盡
無恙靈文翕絕齊岫嘍園橋受學肩相差古物

摩挲手胝厚韋帶樞衣階下誰江表鯁生名氏
某觀碑亦厠羣英後俯仰從前歎希有司空解
辨桐山鼓中壘能知貳負杻搜求茫昧須博物
奚懼墳羊與土狗所嗟歷劫仍至此劉蹶羸顛
視若偶丘墟已聽幾鷓聲輦載頻回萬牛首向
使仍前尚淪汨牧兒蹴蹋蕘童掬直置金鐘大
呂間陸離光彩人爭取自古成名在得地清水
難同濁泥垢要之至寶不終棄自分球圖堪世
守琉璃質脆櫛葉輕斯須悅目旋彫朽嗚呼君
不見方召功勳樊尹才文字模糊石猶壽

余作石鼓詩蒙觀察牧仲先生用子瞻原韻賜和因再用韻奉答並寄檢討朱竹垞

先生

原

史籀大篆聞周宣肇變蟲魚迷遺叟嬴氏次仲造八分斯邈隸書供下走蔡邕楷法張芝草柔媚悅俗炙人口趨今昧古貿是非鮮解輕前但軒後寧曉古作若溟渤奚雷雲夢吞八九橋舌安敢侈鍾王插脚何由有顏柳石鼓巋然靈光存色正芒寒麗天斗元氣磅礴一畫前難從波磔尋跟肘夾漈考證猶舛訛子卿何人肆言莠

綿津山人詩集

卷十八 漫堂草

十

禹鼎湯盤始與參嶧碑岱銘焉足友好古上故慚商彭啟學下思追鬪穀周文郁郁半磨滅矧從倉頡辨蝌蚪韓韋蘇梅不復作欲問奇字乏黃耆如冥擗埴失其持那瘳噬物信所嗾我昨摠衣見斯鼓肅穆欽愛等爨卣蕪詞軋茁抒素懷曾堪登歌習矇眊祇嘆身未丁厥時得窺宛委摩响嘒宋公屬和太嶠奇春麗鯨鏗寫淳厚直看千載敵髯翁寧許中間置誰某張生硬語壁壘堅張弘蘧亦有作蚓竅蠅聲我何有公之爲政美無度狴犴空虛庭廢杻公餘藝苑恣跌宕畿輔

月明無吠狗盤山山翠潞水煙渲染大文世少
偶目覽耳聽給環請對客學牋詩幾首有叩輒
應縣洪鐘顧我寸莛怯撞掇泰嶽出雲海浴日
部婁細流罔擇取橐鞬周旋避三舍竊欲從公
剔癥垢魯輸巧攻當者靡亟將朱公助墨守願
屈燕許爲此詞肯使公詩獨不朽附驥致遠古
有云小年大年均石壽

余和東坡石鼓詩觀察牧仲先生亦用其
韻見投再次奉贈兼柬今貽

尚瑗

北宋以來古調稀屈奇獨數東坡叟攀韓提白
追少陵廬陵宛陵皆却走釋褐初年判鳳翔八
觀佳句流人口遂令學步似者難寶玉當前瓦
礫後於今作手推高丘雲夢羅胸吞八九切泥
獨淬漢江流射札偏穿董澤柳有如樊侯擁大
盾嗔目斯須飲一斗紛紛債帥何足當木絰兩
驂戟鉤肘由來七字分藩籬無異嘉禾別稂莠
難將時代論後先文筆顏頤皆好友公於眉山
真嫡嗣威鳳將雛靈鵲穀無端俗耳耽淫哇兩
部池塘聒蚪蚪鄭鼠積藏荆鳳貴流傳謬種愚

童者依人作活終後人狂走踏堦惟所嗾自悼
菰蘆識見陋目眩商彝與周卣淵海靈源浩莫
探深池瞎馬悲盲叟企踵俊厨心所向蟻封無
路登岫嶮忽辱陽春和里辭殷勤拂拭情何厚
難邀顧况一看人何意孔融知有某長歌跌宕
辭俶詭千彙萬狀無不有句奇欲敵彌明鼎韻
難屢叶雲棲杻軟紅十丈東華塵車如雞棲馬
如狗幾處揶揄逢路鬼窮年漂泊嗟爽偶富兒
肥馬意氣揚明月夜投空掉首誠知欲益常反
損但願無人來擊掇先生識趣與衆殊人棄何
妨我獨取此心便與坡公似湔袞偏多在泥垢
不忝遊踪故故同鬱孤奉使黃州守作詩聊爲
志感激敢附青雲名不朽好在蓮花幕下人靈
光賦筆王延壽

西陂雜詠

余家西陂去宋城數里而近魚藕菱芡巨
延於隋堤南湖有江南之勝老屋數間麤
庇風雨擬號所居爲淥波村爲釣家而堂
以緯蕭菴以和松名村之外縛芟梁築放
鴨亭蓋躊躇數年於茲矣顧宦遊四方僅

託諸夢想暇日爲西陂雜詠屬和者纍纍
更乞虞山王翬寫爲圖裝而藏之篋中俟
異日歸老補葺焉昔劉克莊欲構後村精
舍以周旋世故終未能插一椽施一鏹以
爲浩歎即陳北山所書精舍字亦付之蛛
網蟲蝕而已則余於今日豈可僅託之圖
與詩致今有後村之歎也康熙丙寅仲冬
廿有九日書於潞沙官舍之漫堂

淶波村

芳洲魚麥多全家就來久門巷渚花叅眠食溪禽

綿津山人詩集

卷十八 漫堂草

十三

友泐泐淨兼天色映五株柳

釣家

已作煙波徒占斷煙波境籬根一綸竿檐隙雙苓
簪時鼓鳴嘴船長歌逐落景

緯蕭草堂

蟹舍秋風吹荻枝堅可截織薄衡茅間暫把魚經
輟偃仰幽事多好待鹿門說

和松菴

髯翁蔭詩屋蕭瑟如空山長風拂虬枝天際來潺
湲操絃那能和此曲非人間

苳梁

水粟紛橫塘遠接撈蝦步采刺我衣平橋踏涼
露竚立聞荷香月掛迴堤樹

放鴨亭

鳧泛殊容與銜苔弄溪沙空亭鎮相向何須能言
誇風標兩公子伴爾棲蒹葭杜牧之晚晴賦白鷺
潛來今邈風標之公

子

綿津山人詩集卷十八終

綿津山人詩集

卷十八

漫堂草

十四

綿津山人詩集卷十九

商丘宋 犖牧仲

漫堂草

濟南雜詩九首

濟南城北兩峯殊積翠凌空過小孤怪道相看如

故友鵲華秋色舊披圖

曾見趙文敏鵲華秋色圖

鵲華橋上每停車尤愛新晴返照餘城裏看山惟

此地真成手弄玉芙蓉

齋沸驚看趵突泉來從王屋世爭傳暑書留得

君王筆不數鷗波七字篇

綿津山人詩集

卷十九 漫堂草

濟南人說勝江南菱葉荷花戶牖參無數山光收

不起月明染得水拖藍

歷亭風物妙清秋湖水湖烟極望浮多少新詩容

疥壁杜陵碑版不曾留

真箇南山碧玉環我來半載阻躋攀留著勝遊他

日裏祇應詩識是遺山

元遺山詩留著南山更一游

聽事前頭古栢多高槐幾樹更婆娑西風一陣吹

黃葉露出南山兩碧螺

風雅從來有廢興濟南當日氣憑陵誰知天畔峨

眉雪又作禪門退院僧

水門偶讀南豐記厄井頻過大舜祠故疾未逢蝦
蟹發齊州六月不題詩

余宦濟南半載瀕行始得此數詩

峒悟

鴈影落霜蕪驚心歲欲徂長途驅欵段斜日過峒
嵒蒼莽江淮近消沈楚漢俱勞歌聞瓠子河上一
踟躕

題王澹游歲寒三友卷

文牒紛座右埋頭困神明偶一對圖史頓令耳目
清朝來得寶軸古錦裝池精黃華老人子實維北
地英三友名頗襲逸筆殊縱橫髯翁聳而立龍鱗

綿津山人詩集

卷十九 漫堂草

二

腹彭亨修篁帶蒼烟數枝森相迎更貌江南花苞
綻幽香縈瀟灑拔俗懷誰能及此傖俛迂訝高脫
王蒙說手生上智得神解妙語非譏評摩挲廢眠
食塔然坐前楹收卷忽一笑學道須忘情

早飯姊妹橋

霜橋踏去耐春寒窺裏人家作畫看索墅

地名

疎林

參戶外茅山空翠落簷端吟情不屬憐隨牒歸夢
難成笑據鞍此日朝衫真可脫頻將苦筍入盤餐

山谷贈東坡詩云君如端爲苦筍歸明日朝衫應可脫

秣陵關避雨

奔濤側耳萬松間不覺穿林驀塢艱急雨遠來靈
谷寺行人小憩秣陵關琮潺流水頻驚馬斷續殘
雲苦戀山剩有城南聯句樂宦情鄉思頓教刪

虎丘山後僧舍看玉蘭用東坡遊道場山何

山韻

扁舟曲港循山麓爲覓芳春入空谷禪關寂歷小
院幽一樹繁葩看不足雪塔矗立白漫漫柔枝亦
作蒼虬盤清香縹緲遍法界餘英散落隨驚湍別
院高樓花外出倚欄相對容展席玲瓏映日訝神
功輪困臨風想初植遙峰林隙聳翠髮點綴總入
綿津山人詩集

卷十九 漫堂草

三

圖畫間春光淡迤蜂作陣騁懷豈必千重山吏事
繆轉夜達旦忽復三春已過半纔愜勝賞又言歸
嚼蕊攀條起長嘆

夏日同蔡九霞王勤中姜學在兒至遊支硎

華山用元遺山天涯山韻

昔我觀海行斥鹵更訪秦岱經鄒魯江南山水不
得遊日日相對惟阿堵瀕行始鼓一棹來首路楓
橋名最古支硎山色呈遙青一半朝陽一半雨竹
輿嘔啞凌陂陀梔子萱花相媚嫵支公亭廢尋馬
樞旋螺菴幽憩梅圃提携上客千載人翰墨之英

文字府冲襟已將瀑布濯短策還向華山舉泉噴
鳥道怪石多象馬瞿塘何足數影留丈室弔蘂菴
僧話行滕歷天姥薄暮佛巖縱遐眺萬樹青松不
見土臨風長嘯谷響應定有清詩出歌舞呼兒題
名繼凡夫綿津山人牧仲甫

集變詩

有序

康熙二十七年夏六月余奉命撫江西

舟次蕪湖聞楚北兵譁江西震恐急鼓棹
入南昌撫慰之蒞事未十日於月晦突有
奸徒李美玉袁大相勾結楚逆以酉字帖

綿津山人詩集

卷十九 漫堂草

四

潛授其黨多人將於詰朝謀為不軌賴

聖天子威德偵知奸謀乘夜計擒二元惡
且即斬首懸藁街餘黨盡烏獸散亂遂以
平其事詳劉榛記中暇日賦此用存崖略
云

聖皇二十有七載臣孽承命撫洪州爰從茂苑
歷建業溯流直泛長江舟時丁盛暑南風發江干
晨夕阻石尤忽聞鄂渚兵脫籍倡亂一旦據上游
二十餘城倏陷賊烽傳浦淑驚眠鷗殘黎絡繹蔽
江下船如蟻蝨排荒洲我禱馬當得風助小孤彭

郎無停留蒞事人心稍安戢詰戎籌餉綏四陬孰
知十日突生變驅羆遠結封狼謀實維六月之晦
日螳臂擬將大邦讎須臾風鶴徧城闕婦女奔竄
聲咿啣厥黨無筭暗勾致洶洶之勢未易收夜以
計擒二傑惡繫頸不異當檻猴詰朝秉鉞正國
典碧油幢下懸其頭俄頃奸徒烏獸散十三郡始
安鋤耨捷書一紙報天子宵旰庶寬南顧憂故
人千秋推作者濡筆紀事昌黎儔新建英猷詎敢
望銅梁取况增之羞或以張省甫定浙亂相况沃民勿緩正有
事藥石語佩西園劉附劉記西山不戒於火鬱然而將騰矣主人曰撲之火得

綿津山人詩集

卷十九

漫堂草

五

撲而大熾枯燔不及施瓶罌未有備主人焚死井
邑巖谷盡以燎四方來救者竭清漢之波未濟也
而巖山之火復欲然苟其炎炎倏倏灼風牽勢引寧
但續西山之焦枯哉主人乃聲色弗形沃壤漿而
無事西山亦以無所助而焦頭爛額者得以収其
功然則東山之主入其所謂見幾之君子不俟終
籍者卒踞山而要餉撫軍柯公永昇易之遣十餘
騎往繫焉卒用以叛公及察政葉公映榴同日死
妖醜縱橫連破二十餘城勢洶洶不可知而先生
乃受撫西江之命密邇寇氛人情蠢然先生飛
槽入境靜以鎮其搖撼誠以収其心膂嚴以飭其
戎行境以申其賞罰淡旬而收然有備矣六月之
晦日垂沒先生聞變有李美玉袁大相者裂紙書
酉字為符勾結城外三千人約詰旦舉而行之
事先生輒乘昏誘二人密禽以來問則直道之不
部諱文武諸僚屬惶懼無所措城中士女半已遁
方伯王公業興一棹不十日死先生高眠徹曉從
容起三柵三吹而升堂一切如常朔儀畢再鞠二

人無異辭命中軍遊擊詹英奉天子所賜節兩
力士綠帟首捉刀擁二人出西轅門外立斬之二
張信示曰倡亂者已誅餘不復問也其黨後二人
指揮如約日高不見俄聞中丞門礮鳴而二人之
首已懸藁街矣衆乃疑神疑鬼不知發露之自而
豕驚魚散四境帖然以寧設使是時需不先發怯
不早斷冠一舉而西連於楚聲勢互倚警及百粵
遺廟堂之憂不知如何矣而談笑定之楚亦以
平伊誰之功哉夫今之民惴惴於烈山之患而待
先生沃之以甦者非一端矣意者身教于未形而
法制於不敢肆庶其并省挹注之勞而不負先幾
之哲乎予親著遊屐於東山見主人稟變之方略
而奇其屏屏書生輒能定大難而暇豫有餘
勇也故爲紀之并以勉先生沃民而勿緩焉

豫章行

朱載震

江夏城中夜鳴礮譁卒倡亂橫戈矛紀年戊辰
月夏六黑雲森慘烈日收撫軍自裁

楚撫柯公永昇祭

綿津山人詩集

卷十九 漫堂草

六

政死楚督糧葉公映榴震驚漢南延東陬浹妖氛徧

三郡

漢州旬日俱破

機宜一失夫何尤時維宜君

鎮皖口

皖撫楊公素蘊

典兵擁節領上游豫章地勢接

吳會交南百粵閩咽喉緊誰受命撫茲土用

汝方伯臣商丘牽船行不五百里烽埃羽檄紛

江洲天門山下風浩浩盡日不見來往舟縱金

打鼓祭風伯乞助一帆無停留大孤彭郎瞬息

過兼程單舸來洪州推誠布德戎行飭激忠賈

勇廢墜修蠹爾表李連夏逆

湖廣賊首夏逢龍

忽忽乃

敢恣異謀裂紙三千書酉字要結游惰開費讎

聞者男女競奔竄馭唯以靜抒良籌曰予禦侮
詹英往爰授秘略縛兩囚詰且曳斬軍麾左手
提模糊血髑髏餘悉縱遣雲鳥散幸不蒙賞同
焦頭楚賊援絕禽易耳飛章上緩天子憂赦
臣專殺鑿臣苦誠恐寡斷貽儒羞乃知詩人其
餘事扶顛大業管樂儔具書所見示來者傳信
庶無煩徵求

過北蘭寺四首

齊景開南浦秋郊訪北蘭沙隄延野色竹塢瞰江
湍妙相拈花示禪心即境安平生端有異興發是

綿津山人詩集

卷十九 漫堂草

七

林巒

豆棚連曲牖竹逕轉虛堂圖史心無著茶瓜味總
長觀泉嗟面皺踏閣愛山蒼白袷憑欄處松風作
意涼

山脊孤亭峙荒寒傍棟林苔文隨展席鳥語應調
琴偃仰消兵候低徊望闕心劫灰僧話久磬響
夕陽沈

別圃從容過迴岡更有亭沙痕浮日白山色印江

青列岫承餘韻

是地舊有列岫亭

支頤感客星無須催小

隊漁唱暮堪聽

丁景吕傅肖生見過席上有作用景吕韻三首

絕代佳人聯袂至周行示我正相須堪從仲舉殷
勤問穉外還能一客無

傅咸棄世元高躅丁密休官有令聞一樽齋閣修
篔下不少清風似此君

指揮定亂尋常事敢向文成步後塵剩喜素心相
對處焚香掃地作閒人

潘稼堂檢討歸自嶺南便道見訪以詩留贈
次韻奉答

綿津山人詩集

卷十九 漫堂草

八

輕裝短棹接歸途盡紀風謠似爾無屐遍羅浮偕
老衲研分蕉葉慰貪夫小留滕閣詩堪續更訪廬
山與不孤最是分携憐歲暮幽蘭折贈有珍珠

別張長人十九年矣遠道新篇見贈依韻奉
答

蝶夢蘧蘧感歲年每逢秋雁望書傳梅川丰格誰
堪擬魯壁靈光世共憐品墨雪堂疎雨夜捫碑赤
嶠晚風前詩來又得題襟樂依舊低頭願執鞭

秋日雜興疊北蘭寺韻寄示侄起四首

帶露收園橘臨風徙盎蘭庭空餘豆架籟遠殺江

湍退食初心在聞鐘靈夢安何當乘暇日取次問
煙巒

鈴閣幽閒地依然號漫堂節旄肩不易饘粥味何
長帖訝漏痕古圖披松鬣蒼尋常分俸得宦况未

蕭涼

偶得吳說手
簡王蒙畫

鞭弭憐廝養風騷拜士林撫時思害馬行藥偶攜
琴懷古江濱閣餐英歲暮心浦鷗閒似我元不問
升沈

昨日東湖曲行歌孺子亭汀煙涵月白梁芰入秋

青輦路疎書遞霜波照鬢星題詩寄小阮賓鴈幾

綿津山人詩集

卷十九 漫堂草

九

迴聽

漫堂咏物

小靈壁研山

磬石黝以奇萃崔嵬傍硯匣髣几發翠嵐盈咫羅巫
峽方之小九華幽賞未云乏

宣銅鹿書鎮

小物鑪之餘厥質十二鍊攸伏貌來殊寶色朱櫻
絢風牀罷攤書應同辟邪薦

大食索耳茶盃

愛茲海國陶彷彿卵色天索耳樸愈妙官哥寧比

肩輿香泛永夜詩思來悠然

武夸有
奧香茶

小華道人一池春綠墨

隄麋媚分宜萬杵光奕奕春綠象曲池品欲加尺

璧冰壺秋月胸磨吸亦何惜

何雪漁凍章

鐫無非
佛事字

雪漁運鐵筆邈焉追羸政片石粟以溫摩抄得繕

性玉局昔有言玩之足去病

東坡與元章云醉閱
四印奇古失病所在

倭漆桃香盒

鷗翎騰鑑光奩具肖有黃金泥映螺彩遙從海嶠

分龍涎宜爾貯果園奚足云

綿津山人詩集

卷十九 漫堂草

賦得江月滿江城

激灩雲間月淒其江上城清輝連極浦灑氣逼虛
楹竹露沓時滴林鳥棲復驚冲襟默相對申且浩

歌生

題陸包山梅鳩次原韻

好鳥坐春枝刷羽未成唳暗香襲襲來正結羅浮
夢

題王勤中畫用兒至韻

堂上三尺練鞞紋漾晴波垂楊生新稊因風掃圓
荷何來兩黃鳥相喚如和歌彷彿放鴨亭欲佩笭

簪過

題錢舜舉三蔬圖三首

幾年燕京擁地鑪黃芽之羹薦中厨
竭來南州食單減大巢無味薯蕷麤
披圖新翠嫩可摘爲菹擬備三冬需
中夜酒罷相如渴先生端祇期冰壺

右白菜

古煙一抹春雨注
解谷蟄龍想騰翥青苔迸地生
玲竚千尺琅玕錦
綳護金鷗嘴斲平臺東風味殊
佳懷舊圃好趁江國爛朱櫻
上座聊參玉版去

右筍

綿津山人詩集

卷十九 漫堂草

十一

詩人昔賦采葑菲土酥雖賤味則良
齧根萬事皆可就英雄種菜知何妨
雲溪遺老寫生手紙上如拳淨堪剖
深衷抑鬱待爾舒一飽怡然更奚取

右蘿蔔

梅仙祠二首

梅尉棲真處山坳半畝塘
閒雲開鶴圃修竹護丹房
籙秘三天字花傳七里香
花名到來心一洗琴韻

滿迴廊

垂釣磯難問橫橋水自流
樓臺懸絳節林壑駐華輶
地近洪厓子居宜帛道猷
高風聞賣藥吟望思

悠悠

除夕次劉山蔚韻

竭來俗韻喜全拋，鶴伴人間似在郊。
吐纈分明花映燭，浮蛆激豔酒盈匏。
春迴霜鬢慚持節，夢繞雲峰擬結巢。
遠札殷勤傳洵水，始知冰雪有深交。

時接

三河令彭無山書

元日疊前韻

鄉心昨夜醉能拋，曉色雲山媚近郊。
幾載承明違伏謁，九天仙樂憶懸匏。
印生綠字間鈴閣，架引紅葦綴鳥巢。
怪道輕裘還欲脫，西江風物接南交。

綿津山人詩集

卷十九 漫堂草

宣銅琴爐三十韻

焚香購雅製厥品，貴而狹部鼎貌太莊博。
山韻殊乏宣廟冶，最良文房用維甲。
質當百鍊精，式與七絃合。形縮難動操，工巧煩撥蠟。
欵識逼鍾王，雕鐫勞目睫。叶陋嗤朝冠聳，色允栗殼雜。
誚擁祥雲麤，奚貝多葉壓。遠矚體匪佻，近撫爪欲招。
中翠含瓜皮，外斑點僧袖。柔物帝京紀，厲器吳門法。
磨洗此僅免，奩孟邨容狎。摩抄鑑避光，細膩肉偏洽。
潤媿端溪珍，秀奪美人頰。叶亡蓋蒸愈便，疑杯酒將呷。
特薦選倭盤，防觸慎火筴。滷水沈若嵐，貯楮如

匣寶惜元禁籞拂拭經繡袷雖下彼天球詎儕乎
睡鴨傍燈氣熊熊竝研位恰恰論尚愧乳別種
自登閣穎師緬抱携荀令藏周匝削足樸有稜側
耳鑿以插微薰愛氤氳急響失鏗鞞炷幸謝閨闈
供還遠禪榻偶冷怕深宵常溫宜殘臘聊取膝上
橫莫更櫝中納賺或蘭亭同價終連城答吟興弄
處增鼻觀悟來嗒句擬石鼎聯盟共彌明歎

附
和前韻

劉榛

當今張茂先佳翫常盈榻良冶稱宣皇懸河論
掇蠟十二經鍊錘二百閱曆莢巧摹焦桐奇暗

綿津山人詩集

卷十九 漫堂草

十三

點金徽匣神鬱潤益生絃無趣不乏善價準露
臺得意出寶匣沈水祇自添纖指許誰狎無聲
勝有聲若離妙若合鮮色恍栗披嫩膚防蚊嚼
連血剗龍肝帶水斲文甲異彩閃若流膩骨嬌
可掐疑化質爲柔直恐觸而磕一彈常有情三
車何用壓叩當吐商音玩爭側白恰堪薦老龍
涎肅佐聖主裕不然伴書劍無容褻閨閣活火
養不寒輕筋勤爲夾篆挾古氣浮匙杵寶光插
瓠稜四面峭衍略三寸狹四足高峙
如架橋梁香幸荀令
依酌思劉郎呷歸耕吾欲操在鎔君有法念昔

時盛隆皇心荒以雜鑄物不鑄人一傳幾不臘
周鼎重亦移秦人銷且溘此製垂於今言觀動
鳴呶焚薰常懶疎操縵未洞洽取人躍冶鳴獨
自橫膝嗒虞絃古有懷廬峰今全納韻事得偶
聞迂情無可答愧少鑒賞識徒爲要盟歎

次前韻

廣昌

羅

榮珂雪

寶器歸博雅豈復論廣狹鑿精辨乃真式古世
不乏良冶獨擅長貴品斯爲甲製自宣廟鎔遇
從開府合碧影映螺青紺色深珀蠟質宛佩珂
球光可矚睂睫和潤逼清虛靜遠謝喧雜位之

彘鼎間遂使元白壓韓偓戒膩汚麻姑惜爪招
翠結毘盧頂紫奪老僧衲象形泯七絃識款工
八法水縵未動操伽楠頰見狎影搖絳燭輝歡
佐綺筵洽幽韻薄李徽增妍傳鄧頰衣香風袖
生烟篆霞杯呷微薦沈水脊輕舉疏灰筴宵旦
駐蜀茵舟車藏倭匣雙耳縮金鉉渾身裹繡袷
將擬秦遊龍詎肯儕睡鴨停勺不溢銖宜稱此
云恰氤氳透簾櫳縹緲深閨閣延詰蓄品彙茂
先考周匝幘軸難爲侶瓶葩相間插非指亦非
軫無鎗亦無鞞緬彼淵明壁麴似中郎榻閱歷

幾滄桑春秋經伏臘鈴閣喜良辰蓮院夙嘉納
珠璣牋滿欄琳瑯賡且答讀竟繹元音情冥思
靜嗒公寔主齊盟碌碌何敢敵

綿津山人詩集卷十九終

綿津山人詩集

卷一九 漫堂草

十五

綿津山人詩集卷二十

商丘宋 學牧仲

漫堂草

雪中登滕王閣次多玉巖孝廉韻

章江西望山爲界風急奔濤響碎湃雪中登閣信
一奇水濶雲深迷九派昔年僅過石亭寺未訪滕
王恒介介竭來持節繼閣公天畔褰衣意良快瑯
琊吟魂儼可招俗韻憑欄掃纖芥歌舞已散野鶩
留畫棟朱簾幾成敗徙倚看雪雪愈狂邗許羈人
豎酒戒臨風怊悵覓遺篇斷碣消沈失倒薤薄暮
蒲颿駛如馬南浦蒼茫去疑隘逢逢鼉鼓何處鳴
震起魚龍驚百怪新詩題壁得未曾讀罷真成爪
爬疥繫余微尚契雲山擬駕籃輿謝機械匡廬面
目霽後看次第閒吟償夙債

附原倡

阜城 多時珍 玉巖

舟人報入洪州界雉堞臨江俯澎湃崔巍傑閣
冠雲霄坐鎮章流朝百派滕王昔日駐旌旄閨
督當時盛賓介座中年少有王郎一賦纔成衆
稱快憐才自見古人真意氣文章鍼引芥古今
勝蹟幾荒丘此閣千年疊成敗捲飛雲雨朝暮

愁出沒風濤舟楫戒遙峰隱隱淡於烟遠樹濛
濛紛若薤登臨不獨憑弔多放眼已覺塵寰隘
落霞孤鶩景依然筆有化工吁可怪莫將駢語
薄前人我欲題詩羞壁疥此際真成曠遠觀半
生悔被詩書械青鞵布襪興有餘此行尚了匡
廬債

疊前韻呈中丞公

放舟已下章江界雪虐風饕舞澎湃長須追我
捧一函開卷波濤洶百派龍文萬斛獨能扛斫
陣神兵馳不介自然元氣力排奡寧止齒牙誦

清快子安昔日賦稱工較此須彌納一芥古今
世事亦何常文筆才名有成敗詞章一道根性
靈布鼓雷門從此戒况公德業炳霄壤清若水
霜嚴拔薤行看燮理坐明堂節鉞江湖誠覺隘
何期瓦缶觸黃鐘滿幅蛟螭森百怪珍也生平
好文史如遇枯楊便馬疥盤空硬語啟蓬心一
脫騷壇詩律械願公吟嘯有餘情未敢築臺思
避債

次前韻

榛

白雪連空茫無界惟有洶流走滂湃亂片疑寫

蛺蝶圖長吟爭講西江派帝子千秋尚憶滕厥
原一區思封介高閣未改朝雲飛彩筆誰復清
風快當年雕組豔春葩過眼繁華成土芥區區
賦草終何益紛紛陣壘都堪敗每讀佳句卻有
情曾受讜言未能戒徐邈黃先生嘗有
書戒予爲詩詞北望不
挹斗中漿南來爲拔兒邊薤君歌知有黃竹愁
予懷肯讓青天隘忽得瀛海發慨慷遂令洪都
出光怪正欲三緘學守瓶不覺一痒如搔疥鴻
爪姑爲再印痕雕蟲要須終破械投毫俯仰有
餘思莫償別有乾坤債

綿津山人詩集

卷二 漫堂草

三

雪同山蔚賦

效歐陽體不以鹽玉月梨梅練
絮銀鶴鵝鷗鷺蝶飛舞之類爲

此仍不使皓潔白
素等字即次原韻

曉起忽訝樹添萼怪道中宵錦衾薄從來南雪不
到地如掌漫空卻大作支派章江歸混茫面目廬
山失寥廓戟門畫角吹劇澀竹屋紙牕光乍爍空
階跂足對灑灑破帽蒙頭殊落落拍欄蕭緘爬沙
蟬埋踪寂寞藏丘貉幽人閉戶或晏眠稚子忍凍
時競攫輪囷壓折嗟古松啁啾道飢憐寒雀故人
平臺舊賦客遠路看山踏芒屨冰衙那阻鼓柷興
地爐聊共傾杯樂坡老纈鞬與周旋醉翁號令嚴

洗滌擊鉢快意傾泉源
簷肩旁搜窮冥漠三徑滅
沒手欲龜一舞縱橫蔗當槩
來麩雖慶吟太苦門
外吏人聞而噤

附前題

榛

入春三日雲氣揚一夜
滕六過章江幕府清寒
水堪結霏霏况復三尺
彊家住梁園舊與狎風
流文雅臺還未荒搖筆一弄
卸人曲敢叱司馬
驚鄒陽於今志氣甘消
歇徒擁破被高眠僵公
念故人下折簡聿來南
浦同寒光凌曉山郊莽
四顧續紛直似平臺鄉
不遠廬陵存遺令白戰

綿津山人詩集

卷二 漫堂草

四

旗鼓期相當寸鐵尺箠毋容假
一徃真勇空拳
張睂山遵之如蕭律我亦三申
懸罰觴莫盡掃
烹蟬眼銚且須留充驢背囊我
聞此地二十載
陰蝕寒剥羣生傷但知三時剡
肉赤誰聽一聲
歌竹黃公吹葭灰温百物又感
麥瑞來千倉喜
極頻將穿履踏團取還作解醒
嘗嘗似嫌山甜
且香願賦既飽十三邦

再次歐公韻

五出試驗春來萼鴛瓦初承紙
樣薄疎疎枯葉
零亂鳴灑灑空城次第作漸凝
逕竹強撐持不

辨雲山莽寥廓深壑偏容風去填清江更比日
能爍身若栩栩在廣寒世已漫漫連碧落何處
覓得三窟窺果然溷作一丘貉佳人自會茶鐺
掃小兒戲爲粉餈攪累積有時折凍松翔廻無
地啄飢雀謝莊原不在鮮衣東郭何妨少完屨
惟我來分銷金煖與公堪鬪拈髭樂天地精華
足探搜兒女塗抹盡滌淪老興雪時愈騫騰本
色風光歸澹漠堅陣要防攻偏師對壘不容持
短槩孫武徒將粉黛驅不堪白戰將軍發一噓

春日遊翠巖寺四首

寺後傳有洪
匡子丹井

綿津山人詩集

卷二十 漫堂草

五

涉江遵野岸策馬望層巒物候芳春好招尋法界
寬衣涵桃色嫩心洗磬聲寒多謝田家子殷勤夾
道看

地自蕭梁闢千年幾廢興斷幢隨洞失傑閣入雲
登樹簇喧黃鳥簷虛挂紫藤晨昏孤磬裏羨殺白
頭僧

別院黃茅屋凄清洗鉢泉淙綠剝木走響竝素琴
傳玉版叅初地繩床借晏眠疎籬蕉影下步屨惜
苔錢

越嶺更披榛厓荒古鷲堙危橋容坐嘯纖月快迎

人燒藥懷高躅支筇了勝因退尋還有句端不負
嘉辰

春夜雨後同表士旦劉山蔚小飲士旦談黃
山之勝出紀遊詩共讀之即席有作用范石

湖登姑蘇臺避暑韻

紅薔點幽砌快值餘春閨涉江裙屐臨閉閣壺觴
進聽殘豐溜激坐剪孤檠燼曰余擁節旄百事惟
任運曠懷託莊騷虛聲薄厨俊客談天都奇恍已
凌千仞心折五字篇直斫康樂陣味憐啗蔗佳興
同舞鶴振宿霧林際收纖月籬根印屢看頭觸屏

綿津山人詩集

卷二十

漫堂草

六

邠顧山童愠星芒眈酒鱗印首河漢近墨探豹囊
秘硯拭鴝眼暈聊罄良夜歡待發遠遊輒高風挹
彩鸞遺軒訪寫韻

附
和前韻

表啟旭

今春勝事賒三已欣逢閨霜臺鼓角間蓮幕賓
僚進高館玉琴橫芳筵銀螭燼名理有劇談魁
柄看斜運巍巍川嶽崇濯濯風儀俊詞源沛砢
磅如瀑下飛仞短力易器窳沈吟怖堅陣漸酣
胸臆豁作使雙眉振憑將金石心出與明哲印
荷錫清晏嘉足破窮居愠俛仰神自超憑陵天

欲近沾沾露氣濃
漠漠花光暈軫
茲幸舍遷稍
息征途
軼千秋柏府中著此高閭韻

和前韻

榛

天亦惜春歸
故遣東皇閨
妒雨飛乍停
殘紅飄以進
時乎再爲難
願續蘭膏燼
况公簿領清
揮毫如鵬運
已避叱咤鋒
又逢東南俊

謂士且

氣勢

兩相加峻嶒
仰萬仞長卿
無堅城條侯
閉空陣壁觀
已多時老興
忽一振蘭雖
鄙鄭采屐堪
從謝印更裊
章貢流滌我
平生慍餘芳
薇架披晚尊
藥欄近柳開
舊眼青月晝
新眉暈未肯
移星杓忍遽發
車軻宵靜楚
天高江濤颺
遠韻

綿津山人詩集

卷二十 漫堂草

七

送劉山蔚歸里四首

子舍君頻夢
歸期敢重違
山將五老別
潮挾片颿飛
野岸塞芳草
長河訪舊磯
天涯明月在
相對共依依

昨歲滄江上
煩君草捷書
幽探偕亂後
白戰愜公餘

山蔚曾做歐公作白戰體詩

金石留音遍
河梁結恨初
南州

今日榻猶接
故人裾

染翰從花外
銜杯每夜分
空亭看鶴乳
曲牖挹蘭薰
俯仰成陳迹
湖山隔暮雲
祗餘雙孔雀
聯句未

同君

掉頭君竟去閉閣我仍留老愧施行馬心搖逐泛

舟樂箴情不淺山蔚以樂
箴見贈初服願終酬悒悵西園

讌明朝欠老劉

題柳愚谷畫寄北蘭澹公

愚谷秋容寫北蘭茅亭疎樹訝高寒衙齋不合長

留此送與山僧壁上看

題愚谷畫五首

紙上分明接素秋風林颯颯水淅淅耆卿興致飛

揚甚享盡烟雲到白頭次韻

綿津山人詩集 卷二十 漫堂草

舊時名畫說丹臺丘壑何妨又別開地下王蒙應

一笑後生咄咄逼人來次韻 叔明有
丹臺春曉圖

烟艇曩溪來竹閣綠雲上佳句憶蘇州天秋百泉

響

藤纏老樹欹雲斂孤峰峙羨殺結茅僧泉聲鎮盈

耳

黃王遺法此偏優不與金陵八子儔彷彿輞川詩

意在鶴巢松樹葺門幽

臘月十七夜衙齋小集同柳愚谷用陳子文

豐臺看花韻二首

捎簷梅萼雪爭新鎖印俄驚又一巡終歲艱虞持
節地幾時端的罷官人隔江雲岫遙相媚攬鏡霜
鬢漸欲勻何物好醫詩思澁麻姑名酒貫來頻

得麻姑酒

薺菜登盤逼早春青熒燈火酒千巡分題每愛詩
中畫入座偏宜世外人南浦疎鐘催短景西陂孤
櫂待閒身清輝恰送江天月頓洗胸中十斛塵

盆梅

素盜疎枝嶺外傳幽香歲晚挹來偏貯從官閣風
簾下韻奪山橋野店前映雪清寒渾欲笑張燈的
樂倍增妍故園回首無消息每到花時幾悵然

綿津山人詩集

卷二十 漫堂草

九

偶得黃魯直游青原山寺詩石刻後有施愚

山跋同愚谷次韻

雪霽天宇肅南榮絕纖埃俯摘菜甲嫩仰睇斗柄
迴適得涪翁碑遠自青原隈冲襟有深契懸玩耳
目開太史玉局亞曠代稱壤材遷謫被黨禍所遇
良足哀結伴遊寶坊振筆題荒崖高風留至今攀
附無梯階遺碑嵌聖壁千年覆華懷好事宛陵叟
慇懃滌塵埋磨墨搨萬本汎覽遍九垓嗚呼此詞
翰下士恒嫌猜繫余晚篤嗜披尋到根荄寒夜集

勝友法鑿傾深杯官樣脫已盡狂叫忘形骸緬當揮灑時氣將礪壑摧宜與顏平原名山相追陪

寺有

魯公碑

我輩今且樂鼓角消喧逐發揚西江派眼底

驅淫哇須知元和脚翻與鍾張偕卷持入宦橐西陂歸去來對作駱駝坐吟同轆轤催漏殘缺月上庭鶴雙徘徊

錢塘顧啟姬鄂子幼輿室人也曩於京師有花憐昨夜雨茶憶故山泉之句一時豔稱之茲幼輿遠道見訪口占以贈

花憐昨夜雨茶憶故山泉似此驚人句難為贈婦

綿津山人詩集

卷二十

漫堂草

十

篇畫眉君暫輟下榻我相延賦就滕王閣靈風促轉船

賦贈憩雲菴心壁上人用虞道園題旦景初僉司畫韻

東湖之東蘇浦南荒岡古柳垂毳毳把茅蓋頭來衲子晨夕甕牖得勝探西山對面作屏幃江城不隔浮空嵐澹臺墓近梵度隴百花洲迴鐘搖潭昨者雪片如掌落曾一過訪駐兩驂化鹿拂子留几

席

木陳大師別號化鹿山長上人其法嗣也

石溪畫本藏膝絨

石溪金陵高僧

善畫

幸未凍死聳肩坐詩懷禪理相交參繞籬且種

幾行菜鹿車邠羨千章楠我官烜赫居以冷避近
法侶知無慚生平眠食願學道况復衰病百不堪
好聽粥鼓伴彌勒何須海岸方投簪

歲暮放歌用元遺山游黃華山韻示諸友

小兒燈下笑挽鬚阿爺真箇成衰翁曉對厭原起
嘆息芒鞋那躡青芙蓉此間發願信天耳虛無因
應余何功竭來 詔蠲租之半冰雪已過開春容
簿領朱墨紛且卻逼除庭戶披和風年年鎖印一
酬倡還以酒澆磊隗胸愚谷金陵雖老熊豹姿衆
賓意氣凌長虹錢塘少君謂顧柳子破破姬傳賦草疇昔驚倒

綿津山人詩集

卷二十 漫堂草

十一

新城公謂王阮亭宮詹嗚呼終歲困轅下高談今竝焦遂

雄食單頗訝備方物龍豬龍南產遼菌放箸空自顧

一飽亦良易西陂魚麥况未窮搔頭忽憶篋中句

次第杏子櫻桃紅元次山選同時人詩爲篋中集高念東先生有作云故園小圃

又東風杏子櫻桃次第紅明日春明門外路清明消遣馬蹄中

早春燕射六首

首春校射灌嬰城肅肅官僚待倚旌不比當年宴
膝閣僅將詞賦博虛聲

堂下桓桓將士雄左支右屈技何工須知氛祲全
消日都在雍容旅進中

破的將軍矢不虛連搥畫鼓一軒渠行觴就席無
矜色似熟顏公論座書

謂趙總戎

曩肩生啗酒淋漓彷彿趨庭薊北時旂常功業慚
家學祇肖先公兩鬢絲

又見東風入豫章衰遲無補起徬徨甘泉倘更從
游獵難挽雕弓射兩狼

斜景天開落酒卮簷花逕柳弄芳姿吟鞭擬向郊
坰指試手先成燕射詩

秋日夢葉荃伯內兄以菊花卷索題醒而作
歌奉寄

綿津山人詩集

卷二十 漫堂草

十一

涼秋一別十載餘每逢秋日嗟離居今年聞鴈向
江國夢君不與平生殊手持畫卷索題句迫促但
願急就書鵝溪乍展豔秋色黃華翠葉何蕭疎振
筆一笑殘夢破窺人片月當牕虛句不能記意則
省餐英歲晏幽懷攄聞君目盲類張籍行階恒用
柳栗扶顧我朝衫苦未脫眼有黑花霜生鬚幾時
親戚共情話間間十畝真歸歟君盲雄談尚驚座
我老吟興吞江湖東籬斗酒足娛樂還堪寫作二
老圖天涯此際漫矯首宮亭雲樹愁模糊題詩寄
君待回鴈寸心飄比風中旗

秋日重過北蘭寺六首

簿書烟海坐相仍，秋日羈愁一倍增。
何處空林堪脫帽，祇應還訪北蘭僧。

竹逕茅堂蘚色滋，芭蕉葉大蔭方池。
到來空綠生衣袂，恰好詩翁著句時。

荒阜孤亭緩步躋，棟花坪好故人題。
香篝茗椀纔料平聲理，苦被蟬聲攪日西。
棟花坪爲邵子湘題

烟江疊嶂曾看畫，列岫亭邊畫意賒。
奇絕廬山飛鳥外，一痕晴碧落簷牙。
宋玉晉卿有烟江疊嶂圖

澹雪泉開碧篠籠，酌來真與錫山同。
太平寺裏誇

綿津山人詩集

卷二十 漫堂草

十三

牛乳僖父應知是杜公，
泉舊各俗甚亦于湘做
黎寥泉側以澹雪名之

偃仰禪關愜素心，黃昏待月向風林。
騶人莫漫催歸騎，且聽莎鷄自在吟。

鎖闌即事二首

豫章鎖院傍東湖，試日秋高氣象殊。
蕉葉風微江籟靜，賞花雨過月明孤。
縱橫文陣來天馬，遠近華燈散夜烏。
獻賦幾迴思輦下，少年餘興未曾無。
羣賢將事盡從容，簾靜堂虛氣愈恭。
使者定推水作鑑，老夫先識劍爲龍。
烟雲匡嶽開生面，文字廬陵有正宗。
畫角無聲公讌罷，庾樓清嘯答霜鐘。

題唐解元墨杏花二首

度雨籠煙帶淺嘖芳園貌取惱花神始知落墨徐
熙格別具嫣然一段春

瞥見緇塵改豔妝臙脂何必點窺牆依倚穀雨長

洲苑正袖風流鬪女郎唐題句云穀雨長洲苑旗亭賣酒家女郎全正袖杏

子一
林花

綿津山人詩集卷二十終

綿津山人詩集

卷二十

漫堂草

十四

綿津山人詩集卷二十一

商丘宋 榮牧仲

嘯雪集

歲暮對雪用王元之除夜寄羅評事韻二首
何處厭原山江城一皓然殘蕉當徑蠹孤鶴背風
眠蕭城公餘地崢嶸歲暮天欲將新熟酒分給釣
魚船

幾日即朝正寒威凜劍稜雲深南浦驛烟斷北蘭
僧社鼓喧江舫官梅簇畫燈長歌容鍵戶雙戟結
輕冰

綿津山人詩集

卷三

嘯雪集

破硯

誰令端明體不全應從洗墨墮池邊良工巧致雙
符合尤物寧慚片月圓文字發皇還藉爾溪巖靈
秀固依然花鈿貼處饒丰韻俯足昂唇詎可憐

竹屏

竹屏樸以華韜匝畫堂遮玉版淚痕結金絲蟬翅
加青蒼仍篠蕩縹緲帶烟霞何必神臺上琉璃始
足誇

孔雀聯句

同兒至

珍禽產炎方嘉名錫南客品流亞鳳鸞羽毛豔圖

冊仲牧紀官今大夫獻瑞昔重譯至卯伏或在峙籠

致恒從舶小兒對本佳九嬪賦稱藉翠旂兮楚吟

飛蓋焉漢借仲牧樹尾聲肅肅蹀足晴覩矚矚麗逐

冶容導舞應手拍至思鬪儼鷄雄獨立分鶴格仲牧

金錢列繡屏綠蕤聳彩額至行憐褊褊披叫任郁

咿嚇似竊龜背穹應受鶯歌責仲牧飲泉牴防牛啄

地毒尋螫至薄怒首漫翹偶驚角忽坼仲牧入春倍

絢奇落花齊凋翻碧雞謝森纏綠鳩畏逼迫絲竹

愛啁啾鷓鴣等格磔團扇製遜工車輪樣爭赫栖

宜珊瑚枝步當瓊瑤席織裘藻火鮮珥戶錦雲奕

綿津山人詩集 卷二十一 嘯雪集

萬里來三梁兩年伴雙戟鈴閣引頸閒嶺徼歸路

隔至影弄晴景初夢繞瘴海夕仲牧每嘆造物靈允

屬文烏伯至命儔整以暇比翼光而澤朝飢生菜

耽暮宿高架擇沙虛卧喜便徑曲飛嫌窄仲牧頰渾

染淺黃衣不著點赤至傍籬菊愧金照水池全碧

看雲頻孤騫下堦時一擲懿哉西施稱困矣太尉

宅枇杷取共寫黃荃有枇杷孔雀圖鸚鵡許同適丹梯舊訝

登桂蠹疇醫瘡病亦來清詩貴維因創獲蹉跎感

待士悵望傷寄迹仲牧久結青霄懷會充元圃役至

西崑刻畫餘漫堂更擗據仲牧

聯句後戲成一絕

解道能文是虎兒天涯歲暮共深卮三年宦况惟
今樂雪夜聯吟孔雀詩

附步前韻

至

投老心情喜譽兒聯吟又把歲寒卮極知學語
多生澁不類斜川集裏詩

題沈石田所作米不米黃不黃小畫

米不米黃不黃淋漓水墨餘清蒼觀此石田題畫
句便知其畫神妙不可當昔爲王子石谷所寶惜
後爲歸叟希之所秘藏今也等閒落吾手不啻稚

綿潭山人詩集

卷二

嘯雪集

三

子得珍果連噉不輟出入懷袖神飛揚竭來挂之
高齋之素壁橫峰側嶺斷雲疎樹一一生動發奇
光漁舟儼瓢小萬頃凌渺茫舉似宋代晉卿烟江
疊嶂卷正復難爲軒輊各自光燄萬丈不減李白
杜甫之文章精神所注足不朽即此偶然片紙當
有鬼神呵護豈是尋常粉墨雲烟過眼旋消亡嗚
呼畫之妙也如此安得驚人句題向畫之傍坐卧
其下者三日推敲不定空徬徨今日雪中大醉忽
然振筆直寫所欲吐滔滔如決江河之隄防世間
萬事非強致投筆一笑且甌瓶內凍梅香

簷水

雪晴簷雷忽無聲寒逼琉璃寸寸生列處疑簪將
取戴看來似筍漸抽萌消須門戶和風入墮恐兒
童爆竹驚笑我頭銜今轉大依然不媿一條清

鱸魚

食指連朝動幾回銀鱗分自泖湖隈遠同黃雀馳
孤擢急倒清樽醉四顯風物尊羹堪顧惜烟波簞
笠重徘徊一官不直由來是抹煞張翰亦辯哉

有千載虛名笑張翰
一官元不直尊鱸句

放翁

得梁曰緝侍御報書卻寄

綿津山人詩集

卷三

嘯雪集

四

鄢陵先生梁曰緝風格崧高竝嵬岁年未五十解
組歸勇退誰能似此急庵結老學不窺園剝啄何
人許攔入昔余需次金明門冷炙殘盃每霑及君
方嶽嶽冠惠文邸舍一樽將我揖晨夕厨俊快追
陪堯峰之叟手頻執謂汪
鉞翁貴游車馬不暫停我輩
閉關類蟲蟄有時雄談到五更僮觸屏風蚤語澀
別來忽忽三十年舊雨相思祇於邑前一寄書恐
莫達千里報章如取給中間引喻詎敢承人物王
臯湯潛邈階級計日笑謝碧油幢同向煙波著蓑
笠講解孝經君語謙來書引放翁欲為
鄉隣講孝經句鑽研知遍

經史集曰余雖老願執鞭遙望陶城幾竝立

題太真調笙圖

花底楊妃弄玉笙貌來纖指最多情誰知此曲聽
纔好惹動漁陽戰鼓聲

歲暮喜周岷公過訪即留小飲次日同至北
蘭寺看雪次見贈原韻二首

天寒山稜削歲晏江流清蕭辰坐膝閣懷抱何崢
嶸故人千里來飄與孤鶩爭相見嗟我老君顏仍
玉英讀君贈我句如露霑金莖拂拭漫堂榻傾盃
話平生梅花爛然開無限冰雪情

綿津山人詩集

卷五

嘯雪集

五

朔風吹倒人江徼忽凜冽相携策馬去飽看北蘭
雪竹屋壓欲摧池水迴激激嘯歌雜詼嘲頓慰七
載別高文晚愈妙堪追韓杜傑品泉滌俗韻論研
得怡悅禪語叩叅寥君優我維劣

林擒

嘉果名元著芳鮮出上林蘋婆同似玉霜橘愧稱
金擘自憐珍珠味收應奪衆禽濟南開館處遺帖大

王欽

邢子愿有
來禽館

早春新霽有感用梅宛陵和景彞閏臘省宿

韻

循牆幾載抱凌兢隨手年光又解冰綠竹風聲傳
細細碧天雲葉卷層層閒從簾外移花盃鬧說街
頭賣紙燈禪榻鬢絲何限量誰云不是入山僧

雪夜飲酒二首

我官一何熱我心一何冷

同邑沈文端相
國家書中語

卓哉前

輩言其味佳且永自我來江國頗厭煩囂境衙齋
類僧居冷味快獨領三載冰雪窟今歲雪更猛入
春遍霑灑西山玉作屏梅花凍不開何處覓紅杏
寂寥燒燈前文案恰稍省繙書駱駝坐爐篆兼燈
影相伴鶴與鷗羽毛殊修整詎嘲誦歐詩風騷羨

綿津山人詩集

卷二

嘯雪集

六

馳騁

我素不飲酒飲祇一蕉葉嚴冬因臂痛遂與樽壘
接一杯霑枯腸芒角不可攝兩杯磊隗消起舞亦
何捷三杯變朱顏春色入雙頰譬彼枵腹子文史
聊涉獵不輟日勉旃聲各頓超躡深夜更傾倒霜
笛小童擻大雪漫天來屋隙飄蝴蝶吟情邈空山
不復知沿牒呼兒寫硬句凍硯急磨歛

喜得彭無山黃門報書

彭侯磊落襟懷孤歐陽四門堪為徒孝廉鄉舉自
蚤歲英名直與烏石俱昔當閩亂託疾卧三年身

上無完膚時平筮仕得洵水跼踏何異轅下駒勸
農講學比家事按治豪右矜無辜時余持節向通
潞薦揚曾上大府書強項之號舉以贈開心寫意
欣相於我官于南灑淚別轉燭不覺五載餘西江
建牙愧濫寄臨事迂拙手口瘡十三郡人少休息
且晚自劾歸田廬聞君畿東久閱歷薑桂爲性終
如初議鐫議罷考功法賜金乃復停 鑿輿盤錯
屢試望愈峻大臣推轂 帝曰俞黃門給事荷
寵命聲價不啻璠與璣臨風短札聊寄訊雜以規
諷伸區區不圖作答二千字委曲盡將肝膈舒嘉
拜擬作王褒頌挖揚鳳鳥鳴高梧

寄黃梨洲徵君

文獻南雷尚未湮望從卻聘愈嶙峋忠端氣節傳
先世顧及交游號黨人大業名山驚乍拜暮年撰
杖擬相親中原應社侯羸倡已自垂髫向往頻

倡自朝宗所
以應復社也

柳子

異果分來自嶺南棕皮剥盡殼中含白膚盈寸驚
初剖清液霑唇得半酣葉少林高傳載籍品奇味
別帶煙嵐非同蒟子徒爲醬留作詩瓢挂草庵

燈夕用韓持國韻

雪晴豐霽驚聞牕詩懷似海筆似杠聯句兀冪傲
韓孟角勝不待金鼓縱向夕治具酬令節草草何
必烹羊腔畫屏匝妙剪刻空堂照耀開明釭琉
璃挂定灑秋水當簷祇恐風擊撞自我蒞此忽三
載守拙頗宜民俗厖有時策馬出北郭褰衣列岫
亭臨長江今也清興復不淺嘯歌邠許南樓降喧

綿津山人詩集

卷二十一

嘯雪集

八

闐街鼓雜爆竹旗門深閉森矛鏃起踏明月偕賓
從蹠躡鶴舞當堦雙轟飲無筭到酒腳呼童仍進

大食缸

綿津山人詩集卷二十一終

綿津山人詩集卷二十二

商丘宋 犖牧仲

漫堂草

春日雨中用至韻

溟濛江上雨正是插秧時種樹催辛秀聯吟擬退
之濤應翻古井柳欲暗叢祠惆悵遨頭阻空餘弄
酒卮

雨

去冬十日雪今春十日雨端居豐暇豫冲襟快容
與霑灑遍江界凄清遍解宇懸麻急陣催驚湍空

綿津山人詩集

卷二十二

漫堂草

堦聚雲濃儼潑墨雷殷過撾鼓秧針戰遠濤浪花
翻別浦巖崖遲芳眺花藥探深塢翠憐棕扇欹紅
訝櫻脣無照水聳海鶴望晴叫鸚鵡巡簷腰髀便
閉閣樽壘舉畫展江南春思入古竹圍燒筍願莫
酬束帶情何苦且好讀漢書因之教兒炬

偶讀江湖長翁詩有西江米粟絲作窩之句
適午飯有此欣然爲長句用原韻

天陰對畫向霜壁嗒然移情忘午食西江米粟絲
作窩妙句偶檢長翁冊竭來厨娘適進此風味殊
佳驚創得我家西陂十頃麥芄芄每愛沒牛膝餅

盤粲碟飽農夫至老不見長腰粒况此粉之復縷
之璽緒遜工玉遜德芼以薑橙點醯醬放箸縈迴
定千尺飯罷江樓望江甸如毯新秧風策策

雨中示朱樸士時樸士將遊齊州

旌靜門閒戟自交雨中飢鶴上堂坳花枝檻列春
秋桂

山樞一
名春桂

菜把園供大小巢雙屐輕拋苔欲浣

三杯軟飽句從敲暢遊擬共修之去免使山靈遠
獻嘲

采芑作用陳簡齋村西買山藥韻

曉起向射廳偶試登山腳鶴邊送遙青紛披足花

綿津山人詩集

卷三

漫堂草

二

藥芑從故鄉移生意恐小卻孰知春風吹新苗映
叢薄采采念雅詩清露衣上落我今困塵鞅如鳥
雙翅縛野飯偕村農幾時踐夙約芳歲委江濤搔
頭聽姑惡

起姪出守威寧將取道豫章詩以遲之三首

蠻煙瘴雨自遐陬年少何妨萬里遊此去當官須
鄭重道傍負弩是諸侯

過家上塚清明後取道西江慰老懷風雨連旬縱
留滯也應擁傳度臨淮

矯首江天耿寸心月明還惱蔽層陰鱗魚將到紅

薔發遲爾銜齋次第吟

咏庭前花木五首

誰傍疎籬種小桃亂藤惡竹苦相交年來手爲芟
除卻牆角棕欄得竝高

架上紅薔錦段張惱人顏色帶人香薄書叢裏抽
身去獨凭欄干到夕陽

叢桂連蜷色可餐凌晨清露更溥溥白頭翁亦知
憐此故把新巢葉底安

西江昨歲兼旬雪末利芳蘭晚吐芽一事最爲殺
風景佛桑兩樹不開花

綿津山人詩集

卷三十一

漫堂草

三

山櫻矯作盆中景輪囷離奇亦可觀不道如珠纒
數子朝來已被烏銜殘

鮒魚聯句

同周紀公朱梅
人吳志上兒至

時鮮誇南州首夏三鰲薦嘉味配朱櫻芳辰趁紫
棟仲收白浪狎唵喁碧藻恣遊衍至昔名江東產近

憶富春岸

叶

紀公巨口靡足稱縮項那堪羨至

响沫

信知樂小觸輒生悵色潔鏤晶寒腹臍堅甲繕梅人

鼓鬚奪爛銀脫網閃淨練形秀躍匣刀刺翫拆襪

線

仲收

後鱗諒匪誣去鯨當屬諺至

出水尾未賴入

笥目猶眴

紀公

來應月令候行不江湖徧至

恪貢馳

驛騎特獻開寢殿稍踰往歲期恰佐端午醺仲牧餤

嘗歡野客中厨先使院人既陋白小微亦晒松鱸

短叶如茶列犀鎧滋灰結寶鈿細瑣骨支撐叢苞

子連貫叶飪合澗芹兼雋竝盧橘見公記滌腴挹泉

乳助韻茱薑片上志釋名爾雅闕方法本草撰登俎

防損鱗貯肪偏宜人較河豚謝毒與熊白等觀

叶香疑蹠鼎熟飽覺饜飲肥公脂滑乍霑脣

羹美留清麪上志生致體殊瑩緩烝勢若顛畏啖何

其愚蜀人呼為瘟魚不敢食得珍未妨擅人買時綠荷包膾

處霜刃刺玉屑簇簇攢米花差差纏至風透座送

綿津山人詩集

卷二十一

漫堂草

四

馨日晡色不變骨鯁雖摧殘煙波仍眷戀上志老饕

偕五君朶頤或三嚙盤馨風雨疾箸鬪楚漢戰仲牧

蠻語詠參軍齋心戒許掾予是日蔬食雅章緬信陽

託諷意何限叶

別院二首

別院如山靜旗門鼓不搗往來行藥地開徧蜀葵
花

搗醬收梅子移欄避筍芽也知公事少清課近來

加

朱悔人雨中見過留飲衙齋同吳志上兒至

分賦用湯西崖簡張弘蘧韻

潞沙一別五年強猶未抽身返芟梁何意宦途容
建節無多家法祇循牆故人偶過同聽雨好句分
題各據床端酒依稀漉酒冽醉餘消受竹風涼

出金陵味類
豐潤漉酒

附 次前韻

載震

風流不減昔年強五載相思月照梁久許心香
師宋豔誰搖健筆短曹牆操卮憶往東西路跋
燭論文上下牀最異戟門清似水幽花滿院雨
蒼涼

綿津山人詩集

卷十一

漫堂草

五

次前韻

錢塘

吳允嘉

志上

夜分索句興偏強爭似新泥落燕梁戶外雨聲
多在竹燈前花影自窺牆官宜老鶴同三徑客
許清琴共一牀贏得宋家冰雪咏頓教五月座
生涼

孔雀雛

炎方珍鳥得佳雛飲啄風前本自孤棲桀何妨從
奮迹吹毫堪為寫新圖

趙松雪有錦
石雙雛圖

微聞格磔呼

都護已訶斑爛類鷓鴣待到屏開倍馴擾青蓮間
容頓教輸

白鵬號聞客太白有
詩亦稱為雛所伏

辛未夏五月過北蘭寺時煙江疊嶂堂初成
漫賦五首

茅堂一到一番幽碧筍如簪傍檻抽得得山僧扶
杖出楮袍翳笠總風流

棟花坪子最荒涼徑轉籬開石几張好處花時還
記取繽紛紫雪點衣裳

小閣秋屏竹樹團蕭森五月欲生寒推牕又改山
川面不與空亭一例看

煙江疊嶂堂中坐流覽烟江疊嶂圖莫把清光浪
摹寫且須長句誦髯蘇

綿津山人詩集

卷三

漫堂草

六

斷雨殘雲滯復行蒲颿十幅往來輕斜陽忽放山
根出江外重湖一線明

附
次前韻

載震

堂通野阜轉清幽壓戶藤梢帶葉抽最好江洲
浮遠綠孤懸塔影漾中流

領取空庭五月涼烟生粉壁畫高張

羅牧畫

何來

萬箇青鸞尾翠滴層欄欲染裳

歷落村坳碧幾圍隔江遙睇動深寒雲嵐橫側
紛成態載酒頻來不厭看

晴簷對景閒披卷松雪翁書文沈圖不是漫堂

雅好事阿誰舉似到王蘇

宋王晉卿烟江疊嶂圖東坡題詩真迹今

不可得公有趙承旨書蘇詩沈啟南文衡山補圖卷是日携至同觀

短柵透蛇曳履行晚颺搖颺葛衣輕老僧送客

烟江外一鳥啼殘落照明

題祝京兆髮書二首

迸出驪珠濡墨時縱橫真欲逼游絲香鬟髮髻盤
鴉色剪付枝山也不辭

小蘸烏雲向研池中書君老未應奇宣和飛白看

雲字爲余家舊藏三昧均將造化師

雨中用至韻

綿津山人詩集

卷三 漫堂草

七

近得西陂信荒寒比舊加空亭浮積水茅屋映疎
麻鄉國愁何劇江城晚不譁射堂間對酒冒雨摘
新瓜

次韻答朱悔人四首

髻上繁霜逐歲增風雲真自愧依乘姚江姓字瞻

巖谷時得陽明廬山紀功碑滕閣登臨感廢興小草也知人

共薄高文何綺老無能天涯喜接掀髯客梅雨庭

蕉綠幾層

堆案文書撥不開敢言胸次絕纖埃事當鑿柄新
愁結詩別源流舊雨來江上鱗魚纔出網幕閒乳

燕乍翻雷臨觴古跡無勞問已妥先賢闢草萊新
理學忠節二祠

河曲勾留憶潞沙鈴齋會合興還賒經旬眠食都
添味何處林巒不是家古寺扶筇行竹色方塘展
席對萱花匡廬傲我曾遊眺指點空亭帽影斜
跋燭分題共策勲深衷湖海託鷗羣家人雜沓求
書扇禪將追隨解好文小別西江浮篋舫言歸東
浦卧溪雲祗應歲晚寒梅發明月幽牕好遲君

漫興六首

稀疎梅子墮階黃雨過棕櫚葉有光末利蘭花相

綿津山人詩集

卷二十一

漫堂草

鬪發高齋長日罷焚香

吳下楊梅未結綠嶺南荔子倩誰傳眼前一事差
強意頓頓鱗魚六十天

盆內荷花靜且妍愛他新葉更田田幽牕夢醒聞
疎雨只欠西陂打鴨船

曲徑斜陽豔草花幾枝紅蓼奪明霞蜂房偶過堪
成笑我放衙時爾報衙

連日北蘭間看竹全拋俗韻得相羊依稀東圃筮
籬下二十年前一段香

庭敞簷虛對遠天桃笙烏几晚風前小兒下學來

相揖左氏喃喃誦一篇

送羅飯牛入廬山歌

子以牧爲名我以牧爲字二牧生平偶不同各於
詩畫有深寄我詩苦吟四十年得小三昧嗟華顛
子亦行年平七十一生供養惟雲煙昨於北蘭寺
中煙江疊嶂堂見子所作烟江疊嶂畫聖壁纒數
尺意興何瀟灑一掩一重出肺腑約畧茅亭總光
怪猶云此水石規摹董巨而爲之更有粉本迴出
董巨外匡廬五老崢嶸霄漢皆吾師子携畫筆往
我寫詩篇送如灑之酒壯子行何惜傾倒畢卓甕

綿津山人詩集

卷三十一

漫堂草

九

酒酣一棹浮章江恰值梅雨初晴山鳥啼

題石田翁虎丘圖次原韻

擢弭禪關路舊知可中亭畔步威遲誰憐奉使三

春住祗辦看花一首詩

余官平江時僅有
虎丘看玉蘭一詩塔影山

光心獨繫茶香歌韻老偏宜披圖愈切誅茅願惘

悵爐烟裊細絲

浯溪磨崖崖碑

驪珠顆顆照荒厓元頌顏書一色佳大業當時勞
紀述後人持論苦擠排秦碑周鼓寧須詫兩點苔
花詎可埋墨本看來頻下拜浯溪還擬躡青鞋

以方竹杖贈悔人作短歌

寧州方竹亦一奇截以爲杖良所宜四稜獨異碧
篠蕩七尺誰琢黃琉璃杖兮我把朱髯餉相扶直
到廬山上勸君慎勿規而圓本色一改不值錢

附前題

允嘉

方竹杖子長七尺產于寧州積雪石觚稜節節
削不成竹色渾如一條碧朱髯性好名山遊贈
之濟勝應不惜聞君新製方山冠更著方袍躡
方舄茲遊將訪廬山松手扶此杖凝方瞳由來
圭角世所妬須入白雲峰裏峰

綿津山人詩集

卷二十一

漫堂草

十

答詩

戴震

明日別公廬山去贈我竹杖隨行膝體方節堅
色滑淨一條碧玉丰稜稜側間分寧窳巖谷狼
虎部曲蒙茸藤截致頗難形甚古大樸不雕囊
以繒世間圓柔易爲好直方誰解堪依憑我老
頰拙無一可舍藏信宜行未能大布一領書一
簾漫遊得此真良朋匡君舊識不我棄招手高
峰穿峻嶒扶携萬仞觀天地大笑齊物無鯤鵬
拜公嘉錫感公意知己各言永服膺何當杖頭
書歲月幽尋衡岱高華恒

北蘭僧房半間余題詩處也悔人倣曹娥眷
司成爲王阮亭司馬題漁洋詩屋例署爲綿
津詩屋繫以斷句余愧不敢承漫爲賦答

綿津三舍避漁洋詩屋新題詎敢當祇好罷官詩
也戒蒲團分據已公房

附原詩

載震

茶鑪筆格日橫陳一榻蕭然對綠筠風味漁洋
真可比此中也合署綿津

白槿

舜華自昔豔新粧皎皎風姿獨擅場一樹籠煙閒

綿津山人詩集

卷二十一

漫堂草

十一

倚檻幾枝如雪澹窺牆唐昌品格從教異蒼荀霏
微祇遜香習靜朝來相對處分明姑射共徜徉

奉懷徐俟齋先生時得先生畫芝蘭圖

吳閶幽絕是華山高士何年此閉關造訪旌麾空
悵望

湯潛菴曾過訪不遇

逃名巖穴愈孱顏月泉吟處仍霞

外海嶽圖成落世間乍喜芝蘭一披拂清風千里
欲追攀

偶讀松圓詩集題卷末

風流詩老說松圓妓席歌場句每傳斟酌四聲成
白髮低徊三嘆是朱絃長蘅

李流芳

比玉宋題襟數

楚水吳山寄興偏蒙叟錢虞山於今亦黃土阿誰真
賞浪淘編

題李長蘅蒼巖古木二首

蒼巖古木寫蕭疎名士風流託興餘題字幾行心
折甚知音誰似董尚書文啟

紙上烟嵐若可餐董源老筆共噴嵬怪他丘壑如
相識在昔忘歸贛州巖名得飽看

數月來聞汪鈍翁王勤中惲正叔劉山蔚相
繼謝世灑淚賦此

遠道頻傳薤露歌人琴此日奈愁何宋中耆舊傷
綿津山人詩集 卷三 漫堂草 十一

心盡吳下風流逝水多塵篋祗憐餘翰墨荒墳欲
拜阻關河黃昏鈴閣題詩處忍見空梁夜月過

漫嗟再用西厓韻

漫嗟霜鬢入秋強且聽童兒誦穀梁無賴戎葵紛
上砌斬新斑竹欲過牆鷗情鶴思天涯客筆格茶
鐺露下床缺月漸升江介白一聲畫角助蒼涼

贈羅飯牛

老去飯牛子圖成破墨山襟期自丘壑揮灑到荆
關寄迹蓼洲上時遊廬阜間烟波相對處羨爾似
鷗閒

喜錢介維見過

秋日秋屏接鹿牕介維別號鬚眉也作鹿門龐江湖又

得冲襟合歲月真驚過鳥雙壁出豹囊聲瑟瑟時

藏墨樽開樺燭影幢幢看山尋寺中丞事王文成

見貽不解了公事到處從此題詩獨爾降有中丞

秋日示介維四首

莫漫江頭問檝師天涯會合且題詩北蘭修竹東

湖月恰好新涼欲到時

扁舟羨爾全無繫倦鳥嗟予尚未還不少雙江風

味在兩翁相對聳吟肩

綿津山人詩集

卷二十一 漫堂草

十三

天都峰勢迴孱顏摹寫輸君倚杖間今夜老夫有

清夢暫拋廬阜向黃山

曹實熊廬實熊年來共酬倡鹿牕句子訶偏清何妨鼓

吹西江派也學涪翁作主盟

紅豆聯句同錢介維吳志上兒至

亭亭海南木結子麗不億仲牧託根自蠻方秉性具

炎德介維種植徐表傳土物宋初識至樹爭號杪櫛

花迴類蒼蘆脫莢狀仍菽卻瘴功等惹仲牧擊珊瑚

紛如染靺鞨一色介維臍裂儼招痕膚茁足首飾上志

啄許綠衣嘴栖合丹山翼至妃淚凝冰丸鵲血漬

粒食介舍桃唇乍翻澡豆面同拭志飮果陋巴蜀

夥銀尚京國俗多于銀至祿豔將火棗齊圓未驪珠

逼志映燭暈彌增記曲名舊得介貽喜傾筐傾貢

缺職方職愛之則龍睛棄之則鷄肋至嵌散播樂

府賭酒效鈎弋仲牧打鴛鴦以雙寄綢繆怨持志比

難窮羅虬藝匪待后稷介好製絳囊盛恐被黠鼠

賊志蒙叟名山莊風流信無極仲牧

送介維還歛兼寄靳熊封

楓葉飄蕭動夕吹送君南浦意凄其小留黃篾鷗

邊舫共吸清光月下卮求研卍辭開古井相傳歛

綿津山人詩集 卷二十一 漫堂草 十四

中古井搗烟須為寄西陂託介維製鴈堂令尹如

者佳相問報道殘年祗辦詩

介維將解纜為風雨留一日再賦送

江上驚颺起征颿未許揚幽蘭留閉戶疎雨對持

觴悵悵秋屏閣逢迎問政堂熊封月明修翫事千

里望佳章

早秋雜興五首

豫章兵火苦侵尋何限 朝廷眷顧心三載蠲租

三十萬江流難竝 湛恩深

武陽陶瓦教當時碑版煌煌紀牧之報稱愧臣無

一可也從天上荷 殊知

劉楨禦變有遺篇此事當初亦偶然敢做文成磨
石壁大書深刻向開先

讀法仙宮月吉趨先賢祠宇闢東湖千牛習氣都
驅遣甘作乾坤一腐儒

北蘭寺裏看山罷種菜亭邊校射歸一事夜來徵
左氏青熒燈火坐書幃

夢中得句醒而足成之

戶外青山扶杖得隴頭明月陀牛還夢中得何須此

景親消受夢裏題詩亦灑然

綿津山人詩集

卷二十一

漫堂草

十五

綿津山人詩集卷二十二終

綿津山人詩集卷二十三

商丘宋 犖牧仲

漫堂草

奉酬阮亭司馬見懷之作次原韻

清詩遠道寄南州正值天涯獨倚樓 聖代史才

借司馬老夫心事付閒鷗雲烟鎮日分洪井魚麥

何年慰白頭欲答鐘鏞慚瓦缶坐看孤月下江洲

附原倡

王士禛

中丞持節鎮洪州滕閣重開勝庾樓清簟疎簾

過暮雨隱囊紗帽對江鷗曾來弭擢悲前劫未

綿津山人詩集

卷二十三

漫堂草

一

許題詩到上頭安得乘風度彭蠡與君吹笛坐

滄洲

又奉答題烟江疊嶂堂絕句二首次原韻

茅堂樹色隱重湖堪入營丘水墨圖編籬開逕年

來事卻恨漁洋志裏無司馬數年前 使 粵有南來志

勾留初地對江湖功業韓襄毅 公雍 林 貞肅 公俊敢浪圖詩

罷老僧同啜茗風流龍井未全無

原倡

士禛

東湖勝事擬西湖幻出烟江疊嶂圖也似坡公

憩龍井不知曾有辨才無

題松圓詩老寒林曳杖圖

孤岫聳天外寒林參路傍松圓寫平遠老筆追河
陽縣我漫堂壁當暑生風霜踽踽曳杖叟定向華
子岡

空庭

空庭明月共徘徊偶試玻璃海外杯石谷新圖阮
亭句恰從京國一時來

雨中同心壁上人集烟江疊嶂堂

雨過江干寺尊開樹下窻花香齊已共詩格阮亭

降時誦阮亭司馬見贈詩

斜照山全出沿波鳥自雙清光費

綿津山人詩集

卷二十三

漫堂草

二

摹寫回首暮鐘撞

羅浮仙蝶歌寄至兒

有客贈我羅浮繭狀如榭繭大二三甕形雖非扶
桑敵土色良與赤埴參筠筴遠致自海嶠依稀尚
帶青羊嵐南榮高縣清明候兒童周視恒耽耽恐
遭陰翳傷獨蛹默加愛護祈先蠶昨者蠕蠕忽蠢
動化生彷彿縑箱蟬輪困翅展摺疊扇五色渲染
畫史慙勻圓四點儼雲母奇光異彩紛相涵文身
祇宜花底活纖眉卻令閨中耽紅薔正吐摘藥飼
移置美蔭選石楠三日戢翼蟬抱葉栩栩倏爾薄

蔚藍恨不維繫作佳玩秘篋聊記資清譚今夜月
明晃流汞空庭佇立當微酣一蝶翩然拂檻落絳
霞幾縷從天南姝常綺麗奪人目風前畧辨眉黛
凝或云其母實覓子藥畦苔徑恣幽探漆園偶夢
情不極滕閣欲揭誰能詣俄驚霄漢去無蹟神仙
窟宅隨鸞驂葛洪遺衣迴茫昧此理揣測余何堪
夜闌高咏誠一快千里屬和催中男

鄭谷口寄隸書韓詩喜而賦此

雲陽遺法邈難窺谷口農今擅此奇寄自臨池呼
酒後快同駐馬看碑時縱橫似出華山格排冪宜

綿津山人詩集

卷二十三

漫堂草

三

書韓愈詩舞女插花人始愛邠從老櫟覓鍾期

谷口

與周元亮
先生最善

壬申四月十九夜夢阮亭司馬屬咏瀟湘鴈
醒而急錄之一字不遺

岸澗水無際月明春鴈翔徘徊念儔侶清影落瀟
湘

暇日治圃志上以詩美之次韻奉酬

荷鍤腰鎌命老奴射堂種菜學髯蘇初心祇許親
藜莧勝事還教理竹梧雨後青葱人罷灌畦邊吟
嘯杖堪扶多情上客來相美石谷他年待補圖

附原倡

吳允嘉

放衙無事課花奴
翦竹移蕉土氣蘇
清味盤供鶯宿菜
濃陰牕借鳳棲梧
練帚亦可居官著
籐杖何妨未老扶
安得廬山揮老筆
爲公寫作灌園圖

園圖

玉茗花

雙樹連蜷傍檻斜
園丁喚作白山茶
種疑后土廟中得名自臨川
堂畔嘉灌溉每同蒼葛惜陰森
還借海榴遮春前
看取開如雪細咏西江第一花

題倪高士幽磻寒松小幅次畫上原韻

綿津山人詩集

卷三十三

漫堂草

四

松色與磻幽依稀
寒溪路珍圖傳江南
三日留閉戶雲烟拂几席
流覽慰遲暮寥寥此筆墨
深合荆關度俗韻吾庶免
永言高士晤

江南人家以有無倪畫分雅俗

西城別墅詩爲王清遠賦十二首

追錄丁卯年作

石帆亭

苦竹截爲檻香茆縛作亭
宛同一編泛憶向雙江
停不掛五兩去聊愛羣峰青

樵唱軒

返照轉樹腰微風坐來歇
是時開南軒可以望明月
我愛孟襄陽呼與掘詩窟

半偈閣

小閣不數級香鐙閣上俱亦有和松菴不去嗤我
迂幾時持半偈來共叅文殊

大椿軒

鼠姑色太妍栗留聲太滑獨有薜荔裳風髯自摩
戛何如漆園椿曾閱千春八

雙松書塢

粲粲列宿迴謾輕濤生秋陰落滿地雞犬亦未
驚但聞深塢裏夜牕出書聲

小華子岡

綿津山人詩集
卷十三
漫堂草
五
柴門鑱松筠林麓何窈窕有時出西莊村火動林
杪指點華子岡比似輞川小

小善卷

藏書萬卷餘置身百尺樓不若緩步閒洞屋得清
幽試問高卧者樂亦有此不

春草池

何用遙相遺烟草不堪翦池塘佳句抽康樂夢徒
福別後思青青褰腰更應展

三峰

三峰出羣早磊落秀削成寧使米顛拜我見亦乍

驚下有萬斛泉鳴玉長琮琤

嘯臺

長嘯臨高臺游目入歸翼安得塵鞅紆來此借肩
息終無綵筆于所恐萬象逼

石丈

嶽崎故有意離立長如人環以羣木古況乃蘚繞
身誰謂石無語亦貴氣象伸

竹徑

夾徑千琅玕新詩上頭刻彈琴不見人衣染青蒼
色豈知王逸少亦向竹中匿

綿津山人詩集

卷二十三

漫堂草

六

綿津山人詩集卷二十三終

綿津山人詩集卷二十四

商丘宋 犖牧仲

廬山詩六首 有序

壬申七月余自江右移節三吳放舟彭蠡抵
南康初十日謁白鹿洞禮成遂過三峽橋遊
棲賢觀玉淵潭明日經萬杉至開先坐漱玉
亭觀瀑布就宿寺中又明日登舟往返三日
得古詩六章同遊者南昌廣文楚材諸生涂
居璉錢唐太學吳允嘉釋宿應超淵寧都山
人羅牧兒基筠族孫鈞凡九人

綿津山人詩集

卷二十四 廬山詩

自我來豫章便結匡廬想顧為塵網羈不得掉頭
往今晨泊落星篷牕晴嵐盪巖崖擬攀躋懷抱輒
蕭爽初途背城闌肅然五老仰陂陀屢登陟耳畔
清泉響小住傍松根山疏時在掌鹿洞千年踪絃
誦欣吾黨行行促輿夫樂地兼幽賞

洞古之國學肇興自南唐考亭昔主此垂訓何周
詳適際堯舜世大化九域翔宸翰與賜書照

燭留山岡繫余忝秉鉞咫尺恒相望學規藉文敬

余曾頌胡文敬學規愧未親數揚移鎮荷新命來謁夫子

堂諸生肅奔走特達咸圭璋勸勉亦云切廩餼聊

薄將余置洞田少許象山講義利令人泣霑裳大哉子朱

子錄取置座旁斯人不可見後學徒徬徨洞壑蘚花積橋亭松風長欲去仍頓軛願此抽篇章

久曠山澤遊冲襟鬱以積出洞偕衲子展眺意良適溪攢芋葉青籬綴豆花白村農遮道周兒童窺門隙酒漿競跪進誰忍去爾迫俄驚三峽橋截澗卧千尺斷岸儼瞿塘奔濤撼怪石亭午炎威熾橋下任投憤颺迴難久留更振厓畔策玉淵得一竒深潭注寒碧葉落鳥應救中藏蛟龍宅林際開寶坊鐘魚震幽僻講堂倍寂寥緬懷讀書客連蜷雙

綿津山詩集

卷二十四

廬山詩

二

桂樹攀條足晨夕解帶鎮山門佳話傳自昔我匪

蘇揚儔一笑踵其迹楊文襄效坡公留玉帶于焦山余復繼揚留玉帶于此

題名倩山人顛米爲辟易須臾織月明松杉翻宿

翮呼酒勞徒侶流螢點絳絳

趁曉催遊伴竹輿嘔啞喧削壁望五乳隱隱辨寺門緣壁出汲僧騰擲疑孤猿誰繼慙大師妙義闡風旛三數舍之去萬杉停短轅當逕排古礎驚並石鼓捫法界啟北宋文室殊弘軒昭陵御筆失賴濱長句存香飯分一盃杉影清心魂僧誇槐京字導我過荒園寺後有槐京包帝書龍虎字俗書那足貴乃比璣

與璠礧礧楓樹下嘯咏石上蹲野翁芭籬外擁瞰
頭如黿秋暑酷未退何時雨翻盆行將挹飛瀑庶
滌胸中煩

精藍首開先欲到心甚渴望見鶴鳴峰已覺俗韻
割迨至招隱橋一旦詩意豁于松夾道迎虬龍鬪
空澗茗華放翠蓋可玩不可撥路轉殿閣雄欲並
山巖薛紆迴軒檻幽經營元宗末浮慕世外遊忍
將民財括轉瞬幾滄桑書臺蒙野葛石眼聰明泉
畱洗水精鉢煌煌紀功碑聲施何弘達嘉靖識良
異觀者恒咄咄

王文成刻石在正德庚辰明年世宗即位碑中有嘉靖我邦國語觀

綿津山人詩集

卷二十四

廬山詩

三

者異之

涪翁七佛偈顏柳受鞭撻墨本舊已藏苔石
今一抹披尋榛莽中何處萬雷聒西偏沿礧層引
溜來活活忽入青玉峽奇勝千山奪絕壁瀑花翻
箭急雪色潑潭曲神物蟠靜對戒嗔喝移情海岸
同衣袂霑跳沫孤亭坐忘歸朝衫此回脫

月落潭上回入寺月仍見始知玉峽高直遮天之
半

叶

香臺敞宜步禪室靜堪戀老桂當簷盤美蔭

雪嶠大師

遺額縣筆勢鍾張擅古秀奪華

亭洵足光紺殿解衣投繩床聲送莎鷄亂

叶炎官

織未收經旬苦揮汗

叶

異哉今夕涼不待秋風薦

空山氣候殊即次眠食便曉起覓歸路不禁再三
歎叶茲山燦往牒雲岫夙健美三日走山麓聊識
匡君面何當謝圭組千峰探欲徧拾松煮瀑水息
我雙翮倦捨舟復登舟惆悵猿就檻叶回頭眺黃
巖飛淙掛匹練

綿津山人詩集卷二十四終

綿津山人詩集

卷二十四

廬山詩

四

綿津山人詩集卷二十五

商丘宋 犖牧仲

迹鹿軒詩上

春日過靈巖元墓看梅同吳志上心壁道人
兒至六首

花事盛江南看宜蕊半含春風吹小艇遠岫送晴
嵐野店經行好精廬取次探提攜雙蠟屐謝客未
應慚

千載吳宮蹟青山未陸沈廊空傳響屨臺聳罷調
琴懷抱江湖入登臨感慨深迢迢香逕在白鳥下

綿津山人詩集

卷二十五

迹鹿軒詩上

波心

斜陽照山麓鼓柁向長河崦裏梅花放人家酒旆
多溪橋聊待月畫舫忽聞歌烟水迷濛際幽香幾
陣過

小泊太湖尾高眠領衆香凌晨扶竹杖結伴入僧
房仙梵雲霄落宸遊礪壑光相思今一寫倚檻

對漁洋

謂王阮亭侍郎

未嚼銅坑蕊還看隧道花
董濤陽墓山瓢挹冰雪風袂
冒槎枒危石閒堪凭遊人靜不諱誰將補之筆貌
取此幽葩

最是吾家山千林一望閒
淺深花遠近上下鳥綿
蠻勝友此爲別時志上還錢唐
心壁還廬山官衙仍獨還呼兒
編蒲草將句寫孱顏

送心壁道人還廬山次邵子湘韻二首

送爾半塘上飄然廬阜歸
肩挑桃竹杖身挂水田
衣詩有江行作帆同燕子
飛到時春欲盡開遍野
薔薇

我昔開先寺會爲竟日遊
看碑緣石磴覓句坐僧
樓瀑響晴疑雨山空夏亦
秋卻因贈別處惆悵桂
叢幽

綿津山人詩集

卷二十五

述鹿軒詩上

二

題吳孟舉黃葉村莊圖二首

黃葉邨莊結夢思披圖略
約帶疎籬礪壑幽幽鎮
相對合教唱出菜花詩孟舉有
菜花詩

溪堂高話者誰子風味裴
王差不殊我亦西陂有
別業幾時放鴨入菰蘆

後園六絕句

官事自勞如我懷何容與
斜日後園中間關聽鳥
語

牡丹故園種髮髻香鬟開花名雕
髮輕醉傳呼吏人至共
我看花來

阿段荷鋪來開畦花臺右老翁一飽餘小試種菜手

幾日春欲老空林新綠加乍驚殘雪在零落繡毬花

種藕向清池來看日幾雨新葉小如錢呼童打花鴨

西軒几席幽砌上苔痕畱焚香此獨坐偶似韋蘇

州

附和前韻

石門吳之振孟舉

舟車南北路出處慎所與高人有幽期披襟得

綿津山人詩集

卷十五

述鹿軒詩上

三

深語

小草不知名繞砌當春開紛披遮老眼不看牡

丹來

廿年種菜把策勲老圃右小詩儘波瀾讓公泉

石手

昔人譜花事未蒙寵命加自公銜賞後品格竝

場花

春半飛柳花小池萍匝巾爲愛兩鴛鴦竹弓休

打鴨

掃地靜焚香清風千載畱擾擾彼何人鑄錯窮

九州

秋日池上遣興六絕句

天矯驚看龍挂湖漫天雨氣白糝糊龍挂湖白糝糊吳中農諺

也桔槔費盡千村力龜坼山田始一蘇

此日監門已繪圖忍教一雨便追呼比來柄鑿不

稱意獨遠清池數鴨雛

日過西軒始放衙厭聞鼉鼓戟門撾恤人悶悶渾

無計號作韋菴也不差韋蘇州傳有悶悶恤人語

荷花娟淨水平池疎柳空亭韻細颺坐久忽疑乘

小艇清香無際入西陂

綿津山人詩集

卷十五

述鹿軒詩上

四

每逢衲子喜追攀瓢笠何當遂我閒世外因緣知

有在北蘭書到又盤山近得澹雪拙菴二公書

肺病秋來劇可憐詩腸枯比旱時泉偶和故人池

上句坐殘清漏廢高眠子湘亦有池上詩

題王令貽垂竿小照二截句

幾株疎柳蘸清漪秋日柴門把釣時閒放釣竿君

會不溪山滿眼恰催詩

老去烟波憶釣家曾攜笮箬上漁槎披圖大有西

陂景只少黏天白藕花

曉發句曲望茅山

于役全將俗韻消
曉風殘月望來遙
淒清行潦侵山脚
明滅輕烟界樹腰
飯進老農新穫稻
詩尋野店舊題橋

余舊有經姊妹橋詩

茅君咫尺無由覲
空挹晴嵐向碧霄

惠山紀遊寄子相

毗陵挂颿得快風
惠山迎人媚如許
老夫遊興忽勃發
藤杖芒屨勇可賈
初從曲港破澄碧
俄近招提聞粥鼓
入門鴨脚葉亂飛
颯颯晴空來急雨
蕭閒法界帶巖壑
抖擻冲襟絕塵土
肅瞻祠宇憩杉徑

華孝子祠

爰探泉源歷礧戶
一泓古甃酌清冷
香美

綿津山人詩集

卷十五

逆鹿軒詩上

五

應知勝牛乳竹爐遺製爭摩挲

爐爲明初僧性海製王孟端諸公圖

詠鹿柴隣園任容與

鄒荒寒僻境難久畱展眺東

山趁亭午丹房禪室半荆榛
獨有浮圖峙今古
九

龍峰迴阻霄漢五里湖
明辨洲渚微茫雲外是
具

區聖姑毛公堪爾汝
下山餘興不可遏
別苑重過

瘦筇拄

秦園

良讌屢到嘉樹堂
新構偏愛梅花塢
卽

次思欲委符節局促人間亦何苦
還舟命酒寫所

見回首林巒幾延佇
屬和好待青門翁
定笑顏唐

劍南語

和前韻

武進

邵長蘅

子湘

九龍天上耕芝田月明下飲梁溪渚繞溪幻出
九芙蓉攫霧拏煙秀如許一龍弄珠吐清冷滑
如雲母甘勝乳山空有時響琴筑水遞處處走
巖甌谷簾中冷無定評第二之名獨千古子瞻
一去六百年品題恨少驚人語綿津先生宋夫
子輟棹幽探勇能賈籃輿仄逕緣青蒼小隊朱
旗隔山塢僧徒松下著袈裟蒼葛林間叫鸚鵡
鄒園秦園試遊屐山鳥山花共爾汝還登絕頂
望太湖天半一鈴鳴翠堵三萬六千頃銀濤捲
向硯凹灑秋雨新詩句句神骨清好與九峰鬪

綿津山人詩集

卷十五

述鹿齋詩上

六

睂嫵我家違山不百里竹榼芒屨昔遊數五年
不蹋漪瀾堂雙腳卻嫌浣塵土

蘇詩還將塵土
足一踏漪瀾堂

公詩玉局行驂驪我媿秦黃失跬武龍頭菌蠢
驚軒轅吟吻聲悲空自苦老病况欲師維摩漸
懺綺語剿應補山靈丐我十笏閒擬向松菴聽
粥鼓

題朱竹垞小長蘆圖卷遙和阮亭三首

誰寫水村圖蘆汀秋色冷詩翁脫帽來懷抱江湖

永

愛此雨簑烟笠相將更有佳兒我亦何時攜幼拏

船直入西陂

斜陽裊裊釣絲風蟹舍魚莊野岸通此際披圖心

一洗解人卻憶米南宮米有寶軸時
關心一洗句

秦吉了聯句同朱竹垞
節子湘

珍禽產邕管自呼秦吉了子湘脩脩羽儀澤炯炯眸

子瞭竹垞紺衿映日明花翅點雪子湘尾輸山鷓長

形陋么鳳小丹珠漫多知黃距亦何躄仲批肉冠

樣奇垂耳蠟光皎竹垞跣跣儼鵠鳴啾啾伯趙好

語鎮閒關餘音或繚繞仲牧雖殊鳩舌蠻偶類雉鳴

鷺宣和譜乃遺爾雅釋未表屢奮躍不停獨立

綿津山人詩集

卷十五

述鹿軒詩上

七

聲忽悄唳受野鶴欺飢慮狡童仲牧甘與炎陬辭

怕趁海舶杳羈棲恣飲啄簾幙信昏曉寄身在籠

中結思仍木杪湘子稟質洵云微卽物慨詎少所以

韓退之作賦感二鳥竹垞

寄題曹子清戶部棟亭三首並序

子清之尊人於白門使院手植棟樹數株

綠陰紛披可愛因結亭其間顏曰棟亭子

清追念手澤屬諸名人賦之詩盈帙矣未

幾子清復移節白門十年中父子相繼持

節一時士大夫傳爲盛事題詠愈多子與

子清雅相善也乃賦三截句以附諸公之
後云

燕山老桂蠹不青三槐堂前槐亦零惟有白門棟
樹好六朝山色一茆亭

婆婆老幹已成圍記得青青拱把時繞樹千迴清
淚墮棟亭可是峴山碑

棟亭好景白門稀棟亭新詩不敢揮只向誠齋乞
一句南風紫雪棟花飛

揚誠齋詩只怪南風吹
紫雪不知屋角棟花飛

題沈客子林屋山居圖

林屋知名第九天洞庭南望隔秋烟羨君獨占仙

綿津山人詩集

卷十五

述鹿軒詩上

靈窟采采琅花酌紫泉

尹山書酒閒舉杯向余曰僕明年五十矣請

從高達夫五十學詩余聞而壯之口占以贈

有唐高達夫五十而學詩茲事傳說久人每豔稱

之余友和靖喬皎皎冰雪姿雄談耳熱後霜髯當

肩披今年四十九願效達夫爲我聞君此語曠哉

懷抱奇非同齷齪子祇從流俗期朝吟花一朶暮

吟酒一卮風騷供鞭撻終以詩名垂始雖淪一尉

旄節行可揮三吳山水窟是處畱清暉卽目得詩

本摹寫良所宜請君振高唱畢願復奚疑

高江村詹事以乍浦秋鳥見貽兼索題句賦

此荅之

鳥產海外似黃雀而大每冬風吹落乍浦屠康僖墓木上土人以竹竿黏

取味最美當湖方物也

吳越食品風味饒當筵逞逞羅珍錯歲宴齋廚有

餽遺園官菜把嫌澹泊江村先生真好事物遠

貽資大嚼乍浦秋鳥信一奇爨甌泥封驚創獲

書言此鳥產海外朔風吹向屠墳落黏竿巧取送

飲流腹腴項鬣皆可卻薦而後嘗美無度鬪著小

兒來霍霍欲證注疏失羽毛但憐觜爪同鋒鏑輪

困不數刺毛鷹亦吳中名產肥澤殊勝披綿雀深盃屢

綿津山人詩集

卷三十五

述鹿軒詩上

九

倒慰老饕燈下盤空剩糟粕新詩昨始賦了哥

竹垞子湘賦秦吉了

險句今還續鐵脚

向於京邸有鐵脚聯句

母煩使

者火急催此際枯腸幾迴索

附 和前韻

長蘅

十洲兩兩羽衣客帔裁黃雲稱身著誤隨罡風

渡海來化為小鳥翳林薄毳毳毛羽體披絲鸚

鵲汝兄弟黃雀苗香胡椒腹猶果艾而張羅遭

急縛解衣遊戲請入甕為築糟丘此閒樂骨醉

十日不願醒薦以雕俎閒羹臠白泥紅印克餽

遺不論江珍與海錯先生鎖印官事閒掃地焚

香坐簾閣啓事尺書扣戟門遣百輩來佐七酌
開封十步鼻觀殊亟呼歡伯傾鑿落鶯醬鰕鮓
眞婢才柿狸竹颯祇懷怍腐儒畜眼見未曾官
廚也侶屠門嚼銀盤只愁放著空詩債未怕隔
歲索三更吟作蒼蠅聲滑稽聊爾資盟噓

和前韻

錢唐高士奇 江村

海孺屏跡無束絡土俗鄉風閒領略馬臯入夏

壓網多 當湖海捕有馬臯魚最美出重午前後
不過半月家家烘腊供一歲之用兼以

寄遠秋鳥交冬因風落溫經近每絕羔烹 近年書
經常累

旬蔬食
戒烹宰盤饌惟茲稱大嚼歲寒懷友思餽將妄

綿津山人詩集

卷三十五 述鹿軒詩上

十

謂小物味珍錯鹽炙醬鷄置雙瓶不學邯鄲五

彩縛 孔叢子邯鄲民以正月日
獻雀於趙王而綴以五彩尺素還迹土人

云此鳥產處隔蓬弱平時飛息在三山飽食椒

苟與芷若冷冷戲作御風行翮倦爭栖望林壑

乍浦東南灌水深脇翼羣投欣有託幸不化蛤

入大海何辭登俎供杯杓肌豐骨嫩饒腴滋色

非丹翠羽戍削中曰花雞小鑽籬 土人云中者
各花雞小曰

鑽籬有
三種山經埤雅堪恢廓廣平肝腸雖鐵石亦

賦梅花粲齒齶逼除卻值公務閒官齋脩潔止

琴鶴不緣麤野鄙牛脣翻許吟詩美鹿藿長篇

偉句氣稟兀遠走鮮卑慰寥寞湖千年新人事
斷書來展讀快以樂枉比山平玉糝羹頓指筵

前黃頷臃病鴟雙鳥本尋常昌黎有詩高品格

老髯妙詠我更妒好主嘉賓鬪奇作

兼示邵子
湘和詩

想見張燈甲煎時

來詩成
于除夕

席上揮毫精且博草

堂歸後五逢春自守柴桑同尺蠖故人相信絕

干請往往郵詩叩鈴閣才盡江淹布絮無勉強

摘詞究貧薄

樂府變
貧薄無所報詞

好雨知時節

快哉好雨知時節入春三日陰雲結初聞淅瀝動

綿津山人詩集

卷三十五

述鹿軒詩上

十一

官閣旋見飄蕭遍林樾氣象定復兆豐登到手應
多十斛麥去歲正當六七月江南苦旱田龜坼長
江之北魚大上補救無能愧迂拙黃紙尺一天上
來發賑蠲租此邦活三冬以來雪又無顧瞻南畝
憂方切歛忽雨師戒號令東郊優渥桑麻茁翳余
駑馬皂櫪中也得一飽賢與麩後園峭蒨竹樹幽
當階浸漬莓苔滑巡檐索笑樂何如縞袂佳人對
高潔泥濘尚爾阻邀頭懷抱翛然已巖穴臨風載
詠少陵詩快哉好雨知時節

早春過支硎趙凡夫丙舍用婁子柔訪凡夫

韻

出遊趁新霽，嚶嚶山鳥音。
篋繫野岸籃，輦緣荒岑。
石門歷曲折，花塢窮幽深。
徵士高蹈流，遺構傳至今。
松風激天際，彷彿聞清吟。
僧徒設茗供，自昔君所歆。
梅開小宛居，想見此盍簪。
展墓芳草積，隕涕浮雲陰。
載過千尺雪，灑然清人心。

春日過韓慕廬學士支硎別業不值二首

攜得一雙屐，來尋半畝園。
春風開小徑，啼鳥靜高軒。
跡喜支公接，花同鄧尉繁。
林閒畱茗具，何客此清言。

綿津山人詩集

卷三五

迹鹿軒詩上

十二

主人不相見，斜日獨淹畱。
巢入雲烟結，園有雲烟巢春

迴澗壑，幽折花應惜。
手藉草任科頭，何日城南會聯吟。
願許酬

附

綿津先生探梅山中至荒園闕於陪從散

人城市使節山林深，竊愧歎辱詩及之。輒

次奉荅

長洲韓菼慕廬

小徑不曾掃，西莊鎖故園。
藥欄欹刺水，蛛網綴層軒。
忽滿春風坐，而無騎吹繁。
野梅迎氣味，相與澹忘言。

林鴉低欲散，花外小車畱。
老樹人孤立，斜陽山

更幽吟成雪苑句報與灑西頭應訝如逋客移
文章許酬

贈太僕卿高公輓詩

高名天爵以建昌守殉難閩中

烏石峰高穴豕虎赤狐跳踉黃狻舞血牙鬻炙氣
益麤紅帕帙首錦纏股妖氛一夜連汀漳盱黎城
邊波沸湯太守弓刀夜棄障不識真卿作何狀七
尺誓與孤城俱變生肘腋誰周防去聲嗚呼南八真
男兒壯士隱忍欲有爲不成死耳肩作賊銜鬢茹
刃甘如飴璽書褒忠主恩厚汗青焯焯行不朽
顏舌段笏今有無杏山鐵漢建昌守

綿津山人詩集

卷三十五

述鹿軒詩上

七

題澹雪道人小照次子湘韻

扁舟一道人超然古尊宿斜陽泊斷岸靈籟響喬
木何人貌得之胸映澄江淥白鶴招不來閒雲伴
幽獨

題韓慕廬閣學松溪洗研圖

禹尚基筆

蒼蚪擎煙上空碧千年古藤絡崩石清泉瀉珠跳
的礫誰歟松根坐禿幘儒林丈人文章伯小奚抱
研弄潺湲肩高於頂髻指天蠻溪石卵紫玉堅供
以諸葛鼠鬚廷珪煙何妨一揮百番玉版箋廣陵
禹生真好手此畫此人兩不朽我亦乞作西陂魚

麥圖禹生禹生許我否

深淨軒落成用深淨字爲韻二首

有池隣庖漏委棄歲月深屏除小結構開軒臨碧
澗古柳忽生色怪石增嶮欽種荷荷有花種竹竹
成陰何意咫尺閒渺然江湖心幸非池館華聊繼
韋公吟

迹鹿

軒名

稍荒僻來鶴樓名覽易竟惟有此軒中木石

兩幽映穿藻素鱗跳裏露紅粧靚勝友肯過從逍
遙共觴詠恍疑淥波村高臥謝朝請三復蓋公言
庶幾得清淨

綿津山人詩集

卷十五

迹鹿軒詩上

十四

夏日池上爲梅耦長孝廉題阮亭侍郎吟卷
池上幽幽得勝尋荷花窈窕竹陰森偶來深淨軒
中坐好把漁洋句子吟大海宵冥驚逝楫破牕風
雨憶題襟余嘗模元人破牕風雨四字贈阮亭和歌剩有都官裔並
與勞人洗片心

之
夢女郎以畫蘭一朶索題口占二句醒戲成

三湘一朶貌來幽綺閣深情未易訓堪笑鬢絲禪
榻畔又從前夢得風流

懷西湖次東坡原韻

西湖東南美遊眺多高賢白蘇兩寓公領略得其
全繁余愛山水出郭疾病捐譬彼蜂就蜜所性良
由天盤山與廬阜入手自往年西湖咫尺耳徒聞
好事傳今夏六月中緬想荷花鮮秋憐湖上峰娟
秀縈雲烟何待段橋畔桃柳爭芳妍晴空每矯首
清夜或廢眠幾日冷泉亭佳茗手自煎一枝老藤
杖須趁腰腳便勝地如勝友堪結歲暮緣鳴觥船
易買已辦囊中錢

綿津山人詩集卷二十五終

綿津山人詩集

卷二十五

迹鹿軒詩上

十五

綿津山人詩集卷二十六

商丘宋 學牧仲

迹鹿軒詩下

重陽日天岳禪師以詩集見寄聞師已來吳
門卽用集中贈孟舉原韻奉荅二首

當官自許世情疎霽景高軒落木初上客前宵纔

賦別謂孟舉道人九日有來書叅從名嶽機鋒迴句

並寒花氣格殊聞道半塘畱拄杖隔城隱隱聽鐘
魚

園官節物薦香橙發興翛然已洞庭幾日快乘黃

綿津山人詩集

卷二十六

迹鹿軒詩下

篋舫與公遙入白雲層因緣晚歲知非偶瓶拂空

山愧未能待得新詩同賦後寄聲盧阜打包僧時高

足心壁方
住開先

九日池上示子湘

秋色連朝攬最多霜威欲倒半池荷乍憐黃菊窺

人在未返青山奈老何舊雨每來方外札新詩偶

向水邊哦相看一笑清如鵠惟有韋菴與亦窩湘子

別號

和前韻

長蘅

芙蓉颭雨風折荷池上浙瀝秋聲多鬢鬢霜髭

從作客寂寂寒花聊放歌青山城外晚逾翠白
鴈鐙前影乍過賴是謝公陰興好詩成屬和許
羊何

秋日泛舟橫塘遇畫公藻上人同過雙橋菴
卽事有作

臥聞孔雀叫喜茲秋日晴凌晨喚牒子隨意橫塘
行雙橋背城郭山水相映清刈稻時未了極目黃
雲平穰重風乍拂入耳瑟瑟聲道遇兩禪客高話
懷抱傾矮屋就破寺野飯惟蔓菁畫公天童喬法
海喏長鯨餘事作詩老座與石門爭

謂孟舉

藻師後

綿津山人詩集

卷二十六

迹鹿軒詩下

二

來秀頗號琴理精爲我鼓一曲幽韻流茅楹落日
催返擢霜月當頭明緩緩歌水調無使宿鷺驚

寄查梅壑

誰擅書畫場元明兩文敏華亭得天授筆墨絕畦
畛梅壑黃山翁老向竹西隱崛起藝苑中華亭許
接軫昨摹平原帖丰骨何遒緊更圖獅子林嬾瓚
韻未泯祇今年八十抵掌談元牝興發自清夜深
杯每獨引當其揮灑餘卷軸如東筍破紙及斷縑
求乞無遠近聞君初生歲上與華亭準印鐫後乙
卯好事供一听

梅壑與華亭同于支嘗鐫一章曰後乙卯生

維余托同

調思君憂心慙一官坐束縛欲往愁鞞鞞因風寄
此篇望氣等關尹

示族子舉

莊敏山頽後于今已百年何人復其始維爾得諸
天守口三緘在窮經一榻穿白頭竹林叟歲晚藉
周旋

高江村詹事舟過吳閭得縱觀所藏書畫臨
別以董文敏江山秋霽卷見贈作歌紀事錄
卷尾

昭代鑒賞誰第一棠村已歿推江村五年當湖暫

綿津山人詩集

卷二十六

迹鹿軒詩下

三

休沐摩挲卷軸窮朝昏昨歲寄我銷夏錄雲煙過
眼實第景今年奉 召北赴 闕書畫船泊胥江
濱相見不暇作絮語珊瑚之網出異珍金題玉躡
得未有傾囊倒篋縱橫陳卷舒寧辭胝我手聳肩
靜對不欠伸三日眠食爲之廢有時大叫忘主賓
富春山圖袁生帖無上妙迹欣相親楓橋祖席興
不極華亭畫卷許更捫烟江烟江疊
漳圖秋霽兩奇絕
氣韻生動真天人秋霽長不滿三尺高麗表紙光
如銀一重一掩師造化一樹一石絕點塵從來詩
理卽畫理芙蓉朝日相鮮新跋云古人不我見大

癡心折定九原朱印燦燦色奪目

朝鮮國王印

點綴更

足重璵璠先生好我舉相贈題識數語情彌敦欲
辭不得拜命辱包裏脫我衣與巾要我長歌記勝
事報辭良愧薄且貧歸來重展燭屢跋缺月光射
莓墻根苦吟攢眉作山字句雖不警事則真錄入
卷尾更寄似此詩此畫爭千春

歲暮池上用韓子蒼次胡元茂館中直宿韻

文書撥不開幾廢食與眠鎖印揩老眼擬向山水
看東軒坐朝霽小池風生瀾偶折鄧尉花載泛堯
峰泉吟懷忽跌蕩咫尺烟波寬惟有池上鶴刷羽

綿津山人詩集

卷三十六

述鹿軒詩下

四

同清寒

論畫絕句二十六首

眞贗何須苦辨之邢夫人至尹能知夜無燈火分

明在此語雖誇理未奇

余嘗云黑夜以書畫至摩挲而嗅之可別眞贗

退谷先生

孫侍郎承澤

許數過高齋三雅共摩挲偶披

五石瓠中目始恨當年未見多

侍郎以楊補之竹趙子固水仙王元

章梅爲三雅因以名齋五石瓠爲劉繼著

棠村

眞定梁相國

座上見聞新好古應知自有眞一語

殷勤忘不得別來常歎巷無人

眞定札中語

坡於摩詰無閒言山村小幅曾拜觀天水徽宗對題

有斷句憶之日午忘朝餐

宣和供奉王希孟天子親傳筆法精進得一圖身

便死空教腸斷太師京希孟天姿高妙得徽宗秘傳經年作設色山水一卷

進御未幾死年二十餘其遺跡祇此耳徽宗以賜蔡京京跋云希孟親得上筆法故其畫之佳如此

天下事豈不在乎上之作之哉今希孟已死上以茲卷賜太師臣京展閱深為悼惜云

夏山待渡客爭談未覩令余抱此慙龍宿郊民典

型在長虹貫月自江南皆北苑名迹

李成關仝兩巨手少年曾見長安中名家掩映數

十輩彷彿大海當迴風

蟹爪樹枝鬼面石河陽大幅太行圖挂起淋漓元

綿津山人詩集 卷二十六 述鹿軒詩下 五

氣濕真成驚倒倩人扶小米自題瀟湘圖云壁張此畫定驚倒先請倩人扶

君著

密雪煙嵐雷寶軸蘆汀密雪煙嵐欲雨一圖惠崇僧及巨然僧

漫言筆墨尋常事此際同叅最上乘

鐵網珊瑚鑒賞真清河氏亦有心人鈔來祕冊珊

瑚網耳目連朝總一新朱存理著鐵網珊瑚張丑著清河書畫舫汪珂玉著

網珊瑚

徽鷹韓馬戴嵩牛學語小兒也妄收誰知別有句

龍爽已向公麟踞上頭

平生不識洪谷子餘子丹青各有長卻訝華亭真

放膽竟從酒肆貶長康董文敏云余從橋李項氏見顧長康畫直酒肆中物

坡仙十指懸槌後怪石枯槎爾許奇涪翁句子君

知不海內文章非畫師

二米落筆天機到元暉得意圖雲山元暉有雲山得意卷畫

本何處任樵取金焦煙雨空濛閒

中丞撰迹寄吳門中丞丞永譽著書畫考書畫源流費討論

今日快披消夏錄一時雅尚又江村高詹事士奇

南宗老筆一峰孤貌得虞山氣韻殊屏幃邇來樵

做遍何曾夢見富春圖子久有富春山圖

綿津山人詩集

卷十一

迹鹿軒詩下

六

梅沙彌得巨公傳竹石蕭疎也可憐偶吟一片江

南雨清絕襄陽孟浩然梅道人自題畫竹云涼風起研池葉葉秋可數京華

容夢醒一片江南雨

黃鶴山樵吾最許風流不愧鷗波甥青弁一圖文

敏拜董華亭誰其繼者虞山生王翬

倪畫有無分雅俗江南好事重雲林獅子林圖最

烜赫樵本猶抵雙南金查士標臨本最佳

國初以來推具眼櫟下周公亮工禾中曹公溶兩侍郎鵲

華秋色看題識更為禾中一瓣香曹跋松雪卷云畫似輞川圖書

似黃庭經此卷實傳書畫衣鉢

華原雪景特雄奇筆底全將造化窺韓碑杜句取

相况解道文人即畫師青門邵長蘅曰余曾見范寬雪圖博大有奇畫之詩

文則杜之北征韓之淮西碑也宋鄧公壽畫繼云畫者文之極也其為人也多文雖有不曉畫者寡矣其為人也無文雖有曉畫者寡矣

書手吳中舊擅場衡山大雅石田蒼解元真跡今

寥落片紙猶生琬琰光

辛苦仇生學大李畫時鼓吹不聞喧見董文敏畫旨怪他

小冊臨摹好風致超超又宋元

一對珍圖一洗心箇中大是少知音偶拈舊話成

新句風雨空牕細細吟一貴官語余曰骨董中鏡與劍差足取以有用也最

綿津火詩集

卷三十一 述鹿軒詩下 七

無用者惟畫乎余笑曰公好官請以官諭凡抱關擊拆各有司所謂有用也若宰相無專職而百官之職皆其職如公言則宰相最無用矣世閒衣服飲食宮室皆用之適吾身獨畫用之適吾心當塵埃勞勞中忽展名畫便如置身長林巨壑心為一洗或對古名賢高士則肅然起敬畫雖一藝其用最大願公勿輕議也

華亭天授非人力六法何妨有未工多少畫家三

昧語畱題斷紙故麻中

不薄今人愛古人眼前誰識宋元津畫中九友王

翬在吳祭酒偉業有畫中九友歌白首多年奉紫宸

乙亥元日雪同予湘山書試手為長句

去歲春雨兆有年長句曾寫迹鹿軒今年元日更

快意開門大雪來，漫天五更的皜是冠佩。向曉飄
瞥迷市，屢朝正已罷掩戟，戶平鋪曲逕，添靜便登
樓。一望飛鳥絕穹窿，峯窄何處邊方塘。波溢石欲
沒，小梅濕重香微傳。打麥穫稻事可必，田租之半
况已蠲。青門客園兩詩老，競呵凍筆吟聳肩。吾山
香海待臨眺，歐公白戰聊周旋。詩成呼酒澆利市，
我醉欲枕印籠眠。黃昏簷溜滴不止，風吹街鼓聲
闐闐。

附 前題同賦

長蘅

王正元日斗插寅夜半，跌蕩開天門。眞官羣帝

朝正散驂龍，森歛周八垠。太皞執規挾，玄冥呵
噓膝。六供駿奔下視人，世桑田萬萬頃，要栽玉
禾成瓊田。天明啟扉，目花眩園林，琪樹紛便娟。
池塘冰開已綠淨，鵝毛片片銷無痕。沿池拳足
立雙鶴，縞翅映色增鮮妍。田夫三白笑嚇嚇，傳
聞吉語占豐年。元公祝釐歸未盱，牙門扃鑰屏
鬻喧。歐蘇白戰卻寸鐵，聚星堂客繼者難。公詩
先成得好句，小梅濕重香微傳。卽先从以鮫珠
一百五，迸圓顆顆光照盤。亟傾鑿落澆凍筆，羊
角燈射晶光寒。印甌赤泥壓重碧，釘餽海物兼

鹹酸我老倔強怯大敵降旛欲豎仍逡巡開春
風日晴卽佳梅花爛熳不隔旬茶山吾山千萬
樹待公褰帷來行春此時從公勇當買銅鏹玉
雪酬冰魂

黃山松石歌寄金仁叔將軍兼索子湘和

黃山松石天下無好事往往繪作圖千巖萬樹不
到眼刻意摹寫徒區區茸城將軍胸次別遠道移
取來崎嶇石一拳耳儼千仞松不滿尺盤兩株盛
以巨盎置鈴閣珍比七尺紅珊瑚今年移鎮向閩
海臨行輟贈及老夫鴨觜船載入廨舍賓客咋舌

綿津山人詩集

卷二十六

述鹿軒詩下

九

兒童呼吟窩得此良不俗大笑今我官豈癡南榮
相對坐竟日看山讀畫同歡娛石也以松爲毛髮
松亦以石爲肌膚芙蓉一片忽墮地陵巒宛轉秀
色殊擾龍雙幹雙塵尾千霄之勢當前俱晉卿尙
見定豪奪柴桑或撫還驚吁叢桂疎梅助清致何
煩命駕窮天都將軍雅意應有報幾迴欲賦還踟
躕今晨鼓興了此債屬和火急催髻蘇

附前題奉和

長蘅

我吟李白黃山詩四千仞削金芙蓉傳聞軒轅
煉丹處青鸞朱砂拱天都山中靈異孰究悉松

奇石怪可駭呼擾龍松撐峰頂裂作其鱗而旁
攫挈蒲團倒挂皆松各幻奇古高二尺幹千歲餘

滿山龍子以萬數盡吸石髓蟠根株石骨磊砢
作松幹松毛鬢髻作石鬢輪困碾碾鬪詭狀爪

鬣定與凡松殊茸城將軍好事者鐫鑿山骨雙

松俱夸娥夜半負而走洗剔貯之玉盞盃俱吟

狄嘯悶不得短後健兒尺一書餉商丘公激珍

賞選寘吟窩東南隅一拳石松一尺耳三十六

峰蒼翠移於斯叶公來巡檐日百巾寵以篇什

鏘珩琚少見多怪得未曾賓從獻疑紛詫吁或

綿津山人詩集

卷三十六

迹虛軒詩下

十

云軒轅當年鑄丹鼎丹成遺此一片雲碧腴或
云猿公擲劍刺石罅化作青蛇扶尾銚蠕須商
丘公自笑哈爾拍容成肩呼浮丘叶兩老秃翁
汝知不松卽擾龍峰天都漆園小生齊物何足
道獨不見芥孔納得須彌無

和子湘春雪後夜坐效韋左司

梅花半將開媚此雪後月空亭耐春寒坐到昏鐘
歇池光明檐楹鶴唳激林樾幽人默相對詩思清

到骨

附原倡

長蘅

池上明殘雪檐端得新月寒釭閃疎櫺街鼓坐
來歇凍竹響稍稍饑鶴唳歇歇烏沒切新節攪鄉
思山牕蚤梅發

正月十四日雪中登瑞光寺浮圖

青帝作意驅滕六大雪江南壓倒屋自從元日到
今日不見昏星與朝旭人言南雪不到地異事爭
詫今年獨閉門兀坐殊無憀如鶴翦翎驥維足茲
辰冒雪隣寺遊不怕泥深沒雙轂到門鴨腳帶鴉
楓輪困離奇結寒玉厭聞殿閣鬧鐘魚直上浮圖
散心曲攔鼓磴滑幾登頓扶持左右資童僕侍行

綿津山人詩集

卷二十一

述鹿軒詩下

十一

諸幼氣食牛

謂兒筠孫
韋金華金

笑我老翁何踟促當簷四

顧雲盪胸七堰八門辨隈隩亂山晶瑩朔氣凝萬
井蕭撼炊烟轟胥江瀾瀾吹東風鱗次征颿靜相
逐懷古擬葦滄浪亭開宴未踵香山躅下從別院
訪梅花真訝佳人在空谷黃昏雪急耐荒寒還走
後園看凍竹狂夫自笑老更狂有胃不貯塵十斛
言歸路出吳趨坊萬點華燈燦奪目

廬州張見陽太守以倪高士秋亭嘉樹圖見

貽即用畫上韻走筆荅之

秋亭嘉樹氣蒼涼小幅摩挲向霽牕新寄雲烟勞

太守舊分雅俗說吳邦

江南以有無倪畫分雅俗

哦詩讀畫堪

終日望遠臨風悵隔江珍重篋中撫本在蕭疎丰

韻也無雙

見陽曾以撫本贈余

題袁中江小照兼送入長安

袁生江湖客氣吞江與湖好詩更好劍七尺昂藏
軀誰將片蹠蹠貌出鬣鬣鬢長嘯竹林下捧劍隨
童奴似此熊豹姿寧終老菰蘆春風吹遊屐又欲
入帝都故人有延譽馬周當齊驅莫漫斫地歌
但醉妖姬盧

春日同葉公霖遊支硎華山五首

綿津山人詩集

卷三十六 迹鹿軒詩下

十一

溪漲橋難越輕舸野岸停晴光迎瘦策曲徑入支
硎馬蹟侵苔碧

支公遺蹟

僧廬陰竹青一翁年八十長

嘯振巖扃

謂公霖

無復寒山主荒涼小宛居雷雲空閣在臥欄老梅
疎古墓人誰到飛泉雪自如清詩傳祭酒吟罷一

欸歔

吳梅村先生有題趙凡夫丙舍詩

春半法螺菴梅花蕊尚含幹盤驚戶牖香冷雜煙
嵐看竹憐幽蔓

一僧題壁有竹深僧蔓綠句

登樓作小窰幾多

飛動意還向翠微探

石隙泉流迸松陰磬響傳峰圍深殿肅花覆斷墻

妍初地畱 天藻寺有御製詩空山闕沼蓮所嗟三十

載法席幾回還余初遊華山時藥菴主席繼之者為僧鑑今亦化去

石佛巖邊坐千峰落照間未能邀月上聊此放歌
還羈旅又新歲煙波空舊灣一燈官閣下覓句似

僧閒

婦翁葉司馬公廷桂為文文肅榜進士公從子

公霖偶來吳門於華山精舍遇一僧自言文

肅族子也公霖坐閒因談文肅經筵進講春

秋及爰立時奏罷鎮守中官二事余慨然為

賦二首

錦津山人詩集

卷三十六 述鹿野詩下

十三

一老閒身一老僧空山解后揖紅藤通門子弟前

朝話共對梅花涕滿膺

文肅登朝有古風春秋大義講筵中觀軍容罷公

閒住信史還徵八十翁

虎丘看玉蘭二首

名花傳虎阜輪囷不知年爛熳春風裏憑凌玉樹

前香能尋小閣雪欲障遙天共道今番盛沿溪簇

畫船

花光滿幽谷苔色映高墻細雨一來灑空山不斷

香佳人曾對舞用楊太真事初地任持觴七字天隨句

風流獨擅場

久雨忽晴喜子湘心壁道人同日至援筆賦

此

一春積雨徑生苔池館今晨霽色開高士青門行

藥至道人廬阜打包來禪牀吟筆須料理蟹舍漁

莊好溯洄莫問政成鐙腳否唐河北三郡相鄰皆有善政號鐙腳刺史

山桃花下且銜杯

自題八年前小照送開先寺方丈二首

看雲坐石西陂叟雙鬢依然歲月更今日披圖堪

一笑圖中為弟我為兄

綿津山人詩集

卷三十六

迹鹿軒詩下

十四

鶴鳴峰下摩苔碣漱玉亭中聽瀑泉世出世間緣

有在且將小照寄開先

題尤悔菴萬峰探梅圖二首

昂藏海鶴鬪精神長嘯空山作好春真才子與老

名士又署新銜梅道人真才子老名士乃世祖及今上玉音也

八十老翁一壺酒梅花萬樹與飛揚香山句子取

相贈從此無多二十場

題迹鹿軒詩二絕句

王士禛

七十二峰充下陳漁洋一點具區濱胸吞雲夢

君何有卻對漁洋憶故人

燕寢凝香畫戟枝
放衙花底鶴相隨
美君五字風流甚
實有文章替左司

白樂天詩敢有文章替左司

綿津山人詩集卷二十六終

10750

綿津山人詩集

卷二十六

述鹿軒詩下

十五

